

元
文
類

~16
和
344
1




利
297
1



天
文
觀

明
萬
曆
三
年
三
月
九
日
錢
恂
書



欽定四庫全書提要
元文類七十卷目錄三卷元蘇天爵編天爵有名臣事略已
著錄是編刊於元統二年監察御史王理國子助教陳旅各
為之序所錄諸作自元初迄於延祐正文極盛之時凡分
四十有三類而理序仿史記自序漢書敘傳之例區為十有
五類蓋目錄標其詳序則撮其綱也天爵三居史職預修武
宗文宗實錄所著自名臣事略外尚有松廳章奏春風亭筆
記諸書於當代掌故最為嫻習而所作滋溪文集詞章典雅
亦足追蹟前修故是編去取精嚴具有體要自元興以逮中
葉英華採擷略備於斯論者謂與姚鉉唐文粹呂祖謙宋文
鑑鼎立而三然鉉選唐文因宋白文苑英華祖謙選北宋文
因江鈿文海稍稍以諸集附益之耳天爵是編無所憑藉而
蔚然媲美其用力可云勤摯旅序篇末稱天爵此書所以纂
輯之意庶幾同志之士相與博採而嗣錄之而終元之世未

欽定四庫全書提要

元文類七十卷目錄三卷元蘇天爵編天爵有名臣事略已
著錄是編刊於元統二年監察御史王理國子助教陳旅各
為之序所錄諸作自元初迄於延祐正文極盛之時凡分
四十有三類而理序仿史記自序漢書敘傳之例區為十有
五類蓋目錄標其詳序則撮其綱也天爵三居史職預修武
宗文宗實錄所著自名臣事略外尚有松廳章奏春風亭筆
記諸書於當代掌故最為嫻習而所作滋溪文集詞章典雅
亦足追蹟前修故是編去取精嚴具有體要自元興以逮中
葉英華採擷略備於斯論者謂與姚鉉唐文粹呂祖謙宋文
鑑鼎立而三然鉉選唐文因宋白文苑英華祖謙選北宋文
因江鈿文海稍稍以諸集附益之耳天爵是編無所憑藉而
蔚然媲美其用力可云勤摯旅序篇末稱天爵此書所以纂
輯之意庶幾同志之士相與博採而嗣錄之而終元之世未

有人續其書者可以見其難能矣葉盛水東日記曰蘇天爵
元文類元統中監察御史南鄭王理序之有元名人文集如
王百一閻高唐姚牧菴元清河馬祖常元好問之卓卓者今
皆無傳案祖常石田集好問遺山集今皆有傳本蓋明代不甚行於世盛偶未見故其說云然則所以
考勝國文章之盛獨賴是編而已嘗見至正初浙省元刻大
字本有陳旅序此本則有書坊自增考亭書院記建陽縣江
源復一堂記併高昌僕氏家傳云云今此本無此三篇而有
陳旅序蓋猶從至正元刻翻雕也

元文類序

元文統事太史之職也史官放失而文學之士得以備其辭焉古
者自策書簡牘下及星厯卜祝之事屬于太史故三墳五典八索
九邱在焉書與易皆是也而春秋出焉教于國都州里者詩禮樂
而已矣觀民風者采詩謠以知俗觀禮樂以知政亦集于太史後
之學者攷六藝之辭發而為文章是故文章稱西漢記事宗左氏
司馬子長與世興變其閒必有名者出焉國初學士大夫祖述金
人江左餘風車書大同風氣為一至元大德之閒庠序興禮樂成
迄于延祐以來極盛矣大凡國朝文類合金人江左以攷國初之
作述至元大德以觀其成定延祐以來以彰其盛斯著矣網羅放
失采拾名家最以載事為首文章次之華習又次之表事稱辭者
則讀而知之者存焉伯修於是亦勤矣哉固忠厚之道也文章之
體備矣因類物以知好尚本敷麗以知情性辭賦第一備六體兼
百代萃粹其言樂章古今詩第二本誓命紬訓誥申重其辭以憲

式天下萬世則之詔冊制命第三人臣告猷日月獻納有奏有諫
有慶有謝奏議表牋第四物有體體以生義以寓勸戒褒述箴銘
頌贊第五聖賢之生必有功德事業立于天下後世法象之古今
聖哲碑第六核諸實顯諸華合斯二者不誕不俚記序第七衷蘊
之發油然恢徹其變不動者鮮矣書啟第八物觸則感感則思思
則鬱鬱則不可遏有裨于道雜說題跋第九有事有訓有言有假
有類不名一體雜著第十朝廷以羣造士先生以導學者徵諸古
策問第十一爾雅其言熒熒然歸其辭其事宣焉諸雜文第十二
累其行事不憚遺之意其辭慙哀辭諡議第十三其爲人也沒而
不存矣備述之始終之行狀第十四其爲人也沒而不存矣志其
大者遠者將相大臣有彝鼎之銘大夫士庶人及婦人女子亦得
以沒而不朽者因其可衰而衰焉以爲戒勸焉墓志碑碣表傳第
十五總七十卷出入名家總若干人是則史官之職也夫必有取
於是也夫自孔子刪定六藝書與春秋守在儒者自史官不世其

業而一代之載往往散於人間士之生有幸不幸其學有傳不傳
日遷月化簡札堙沒是可歎也伯修三爲史氏而官守格限遂以
私力爲之蘇君天爵伯修其字也世爲眞定人先世咸以儒名威
如先生尤邃歷學著大明歷算法篇以稽其繆失焉郎中府君以
材顯至伯修而益啟之伯修博學而文於書無所不讀討求國朝
故實及近代逸事最詳定著名臣事略若干卷遼金紀年若干卷
并爲是書書非有補益于世道者不爲也自翰林修撰爲南行臺
御史今爲監察御史元統二年夏四月戊午朔文林郎江南諸道
行御史臺監察御史南鄭王理序

元文類序

元氣流行乎宇宙之間其精華之在人不能不著者發而爲文章焉然則文章者固元氣之爲也徒審前人制作之工拙而不知其出於天地氣運之盛衰豈知言者哉蓋嘗考之三代以降惟漢唐宋之文爲特盛就其世而論之其特盛者又何其不能多也千數百年之久天地氣運難盛而易衰乃若此斯人之榮悴槩可知矣先民有言曰三光五嶽之氣分大音不完必混一而後大振美哉乎其言之也昔者北南斷裂之餘非無能言之人馳騁於一時顧往往囿於是氣之衰其言荒粗窳冗無足起發人意其中有若干不爲是氣所囿者則振古之豪傑非可以世論也我國家奄有六合自古稱混一者未有如今日之無所不一則天地氣運之盛無有盛於今日者矣建國以來列聖繼作以忠厚之澤涵育萬物鴻生儁老出於其閒作爲文章麗蔚光壯前世陋靡之風於是乎盡變矣孰謂斯文之興不有關於天地國家者乎翰林待制趙郡

蘇天爵伯修慨然有志於此以爲秦漢魏晉之文則收於文選唐宋之文則載於文粹文鑑國家文章之盛不采而彙之將遂散軼沉泯赫然休光弗耀於將來非當務之大缺者歟乃蒐摭國初至今名人所作若歌詩賦頌銘贊序記奏議雜著書說議論銘誌碑傳皆類而聚之積二十年凡得若干首爲七十卷名曰國朝文類百年文物之英盡在是矣然所取者必其有繫於政治有補於世教或取其雅製之足以範俗或取其論述之足以輔翼史氏凡非此者雖好弗取也夫人莫不有所爲於世顧其用心何如耳彼爲身謀者窮晝夜所爲將無一事出於其私心之外至有爲人子孫於其先世所可傳者漠然曾不加意逮及它人之文與天下之事哉覽是編者不惟有以見斯文之所以盛亦足以見伯修平日之用心矣伯修學博而識正自爲成均諸生以至歷官翰苑凡前言往行與當世之所可述者無不筆之簡冊有名國朝名臣事略與是編並著廷論以文類猶未流布於四方也移文江浙行省鈐諸

梓伯修使旅書所以纂輯之意于編端庶幾同志之士尙相與博采而嗣錄之元統二年五月五日將仕佐郎國子助教陳旅序

元文類目錄上
卷第一

賦

瑟賦

烏木杖賦

求志賦

畫枯木賦

傷己賦

感志賦

騷

白雪辭

悠然閣辭

垂綸亭辭

雲山辭

熊朋來

姚燧

袁裒

虞集

馬祖常

李好文

劉因

袁桷

袁桷

王士熙

卷第二
樂章

郊祀樂章

太廟樂章

社稷樂章

先農樂章

釋奠樂章

四言詩

致樂堂詩

萬戶張公廟堂詩

卷第三

五言古詩

箕山

古意

虞虞集

元好問
劉祁

懷長源

送雷伯威

觀主人植槐

南山有高樹

僊臺

黃金臺

馮瀛王吟詩臺

西山

晨起書事

種松

翟節婦詩

寄蕭徵君惟斗

姚嗣輝南橙堂

蔚州元氏怡齋

劉祁

劉祁

劉祁

劉祁

劉祁

劉祁

劉祁

劉祁

劉因

劉因

盧摯

姚燧

苟宗道

古風
逸民詩
有所思
雜詩
知非堂夜坐
擬古次韻
榆林對月
月出古城東
寄題周氏水木清華亭
趙千里出峽圖
出直次韻
夜直賦得金鴨燒香
寄題新治亭
滋溪書堂爲蘇伯修賦

趙孟頫
趙孟頫
趙孟頫
何中
安熙
虞集
虞集
虞集
虞集
虞集
虞集
虞集
虞集

讀伯庸學士止酒詩
泗濱堂爲蓋善長賦
書上都學宮齋壁
節婦王氏
范墳詩
大明宮早朝

貢奎
王結
馬祖常
范棹
字朮魯翀
胡寬

卷第四

樂府歌行
湘夫人詠
西樓曲
征人怨
塞上曲
梁園春
征夫詞

元好問
元好問
元好問
元好問
元好問
劉祁

元之類目錄七

三

征婦詞	留春曲	楊白花	空村謠	羽林行	金谷行	桃源行	明妃曲	塞翁行	武當野老歌	燕歌行	白雁行	義俠行	田家謠
-----	-----	-----	-----	-----	-----	-----	-----	-----	-------	-----	-----	-----	-----

劉	杜	李	楊	楊	楊	劉	劉	劉	劉	劉	劉	王	魏
瑛	冶	宏	道	果	奐	因	因	因	因	因	因	因	初

卷第五

懸瓠城歌	水荒子歌	湖上曲	烈婦行	沉沉行	車簇簇行	竹枝歌	玉環引	早朝行	畫馬歌	蘇小小歌	李宮人琵琶引	船上謠
------	------	-----	-----	-----	------	-----	-----	-----	-----	------	--------	-----

李	鮮	鮮	趙	虞	馬	馬	王	王	范	辛	揭	宋
材	于	于	孟	集	祖	祖	士	士	梈	文	侯	本

七言古詩

鄧州城樓

弔故宮

巨源相過話舊有感

有懷梁仲經父

金太子允恭墨竹

金太子允恭唐人馬

陳氏莊

渡白溝

宋徽宗賜周準人馬圖

宋理宗書宮扇

登荆軻山

幼安濯足圖

歸去來圖

元好問

杜瑛

王磐

楊奐

劉因

劉因

劉因

劉因

劉因

劉因

劉因

劉因

淵明歸來圖

淵明圖

過黃陵廟

金人出塞圖

董元夏景山口待渡圖

送孟修兄南歸

寄鄉友

送蘇公度嶺北行省郎中

萬竹亭

滋溪書堂

雜言

觀雷溪

游郎山

岳陽樓

盧摯

尙野

李材

虞集

虞集

虞集

馬祖常

王士熙

范梈

謝瑞

劉因

劉因

張經

松澗圖

離京

先天觀

雜體

安南清明集句

遠游聯句

卷第六

五言律詩

春思

觀物

趙氏南莊

晚上易臺

登武陽

雜詩

元文類目錄上

五

鄧文原

李洞

范梈

陳孚

袁裒

張澄

許衡

許衡

劉因

劉因

劉因

劉因

劉因

過奉先

齋居雜言

寄暢純父治

輿病高崖中作

舟達黃溪

發舟青神縣

感事

次韻書事

病中齋居

進詩一首

岳陽樓待渡

泊舟湘岸

游山寺

送蘇子寧北行

劉因

何榮祖

姚燧

姚燧

姚燧

姚燧

姚燧

安熙

安熙

季孟

高思恭

李材

李材

袁桷

元文類目錄上

六

名酒

題秋山圖

送國王朶而只之遼東

朝回卽事

石田山居

郎中蘇公哀挽

癸酉除夕

早春述懷

七言律詩

杏花落後

長安感懷

洛陽懷古

南山遇仙樓

戊辰冬赴試西京

虞集

虞集

虞集

馬祖常

馬祖常

劉汶

劉汶

元好問

楊奐

楊果

劉祁

王革

題劉京叔歸潛堂

秋思

和家弟誠之詩韻

雨後漫成

七月望日思親

燕城書事

送魯齋先生南歸

聞家大參歸

挽文丞相

次范蒞莊詩韻

過鄉縣西方古故居

晚眺

易臺

望易京

薛玄

杜瑛

段克己

段成己

許衡

魏璠

張易

林景熙

徐世隆

宋衛

劉因

劉因

劉因

劉因

海南鳥

朝回次楊司業韻

代祀南岳登祝融峯

駕畋柳林隨侍

題許仲仁詩卷

岳陽樓

麻姑壇

都門春日

禁城秋夕

元日賀裴都事朝回

壽杜侍御

和王御史春詩韻

送楊耀卿使雲南

老松怪柏圖

劉因

吳澂

趙世延

陳益稷

程鉅夫

梁增

郝天挺

李材

李材

李材

李材

李材

李材

次韻荅友見贈
留別都城諸公

安熙
李京

卷第七

七言律詩

聞擣衣

溪上

道場山

蛾眉亭

多景樓

雨華臺

過岳王墓

錢塘懷古

海子卽事

弁山佑聖宮

趙孟頫

趙孟頫

趙孟頫

趙孟頫

趙孟頫

趙孟頫

趙孟頫

趙孟頫

趙孟頫

城南山堂

趙孟頫

春日言懷

趙孟頫

紀舊游

趙孟頫

東陽八景樓

趙孟頫

贈周景遠田師孟

趙孟頫

金陵懷古

趙孟頫

和周待制朝回詩韻

袁桷

無題次伯庸韻

袁桷

奉題延祐宸翰

鄧文原

題小薛王畫鹿

鄧文原

陪高彥敬游南山

鄧文原

郎中蘇公哀挽

鄧文原

司業李公哀挽

貢奎

王內翰哀挽

張養浩

送袁待制扈從上京

虞集

朝回和周待制韻

虞集

送朱生南歸

虞集

南野亭

虞集

歸蜀

虞集

自仁壽回成都

虞集

謝周南翁

虞集

送李通甫

虞集

御講詩次宋顯夫韻

虞集

試院書事

馬祖常

題幽風亭

馬祖常

送宋顯夫南歸

馬祖常

駕發

馬祖常

送袁德平歸越

王士熙

送王在中

王士熙

九成宮圖

王士熙

驪山宮圖

王士熙

題鮮于伯幾帖

王士熙

寄上都分省僚友

王士熙

題節婦

王士熙

上京次伯庸學士韻

王士熙

大都雜詩

宋本

姑蘇臺

劉致

綿竹縣治

楊靜

燕中懷古

李源道

宗陽宮翫月

楊載

擬去京師

楊載

貢袁諸公修史

楊載

宿李陵臺

周應極

睢陽懷古

李鳳

周氏慈雲庵

揭傒斯

卷第八

五言絕句

錄汴梁宮人語

楊奐

酬昭君怨

楊奐

春日

劉因

石鼎聯句圖

劉因

蝓蛄

劉因

薔薇

劉因

采薇圖

盧摯

題張尹書巢

吳澂

江州庾樓

賀復孫

錢選宮人圖

市莊

節婦黃氏

過李陵臺

七言絕句

讀汝南遺事

明皇擊梧桐圖

過陳司諫墓

瀟湘夜雨

墨海棠

征南口號

春日雜詠

登北邙山

村居

安熙

王結

馬祖常

馬祖常

楊奐

李俊民

劉祁

李治

李治

杜瑛

徒單公履

楊果

楊果

峴山秋晚圖

太真教鸚鵡圖

覃懷春日

春晴

春浦帆歸圖

杭州聞角

有懷

風雨圖

風雨回舟

水僊花

書事

山寺早起

讀史評

山行

楊果

馮渭

趙復

劉辰翁

孟攀鱗

梁棟

劉秉忠

許衡

張孔孫

商挺

劉因

劉因

劉因

山家
寫真詩卷
已巳春往均州
觀出獵
壽陽梅妝圖
昭君出塞圖
汾亭古意圖
關山風雨圖
絕句四首
錢選畫花
題道院
無錫山中
卽事
過七陽

劉因
劉因
宋衙
宋衙
王思廉
王思廉
張礎
張礎
趙孟頫
陳儼
高克恭
高克恭
高克恭
高克恭

過信州
過京口
寄王總管
過故縣壩
杏花始開小酌
和郭安道治書韻
遼陽高節婦
秋懷
贈李祕監
青山白雲圖
水芙蓉
木芙蓉
春雲
聽雨

高克恭
高克恭
李昶
李昶
安熙
周馳
王結
曹元用
張養浩
虞集
虞集
虞集
虞集
虞集
虞集

庚午廷試次韻

曹將軍馬

寄家書

題柳道傳詩卷

宮詞

孟光舉案圖

題甄氏訪山亭

清明日游太傅林亭

玉簪

過郝參政墓林

卷第九

詔赦

即位詔

中統建元詔

虞集

虞集

馬祖常

馬祖常

王執謙

陳觀

辛文房

張瀛

鮑仲華

王鶚

中統元年五月赦

賜高麗國王曆日詔

至元改元赦

建國號詔

頒授時歷詔

清冗職詔

加封五岳四瀆四海詔

興師征江南諭行省軍官詔

即位詔

五鎮山加封詔

建儲詔

即位詔

行銅錢詔

至大三年十月赦

王鶚

王鶚

徒單公履

李謙

李謙

閻復

王構

王構

王構

閻復

閻復

姚燧

即位詔

姚燧

行科舉詔

程鉅夫

即位詔

張士觀

至治改元詔

元明善

命拜住為右丞相詔

袁桷

諭安南國詔

曹元用

即位詔

虞集

親祀南郊赦

虞集

即位詔

虞集

卷第十

冊文

王磐

皇后冊文

徒單公履

皇太子冊文

太祖皇帝加上尊諡冊文

王構

世祖皇帝諡冊文

王構

皇太后玉冊文

陳儼

睿宗皇帝加上尊諡冊文

劉賡

順宗皇帝諡冊文

程鉅夫

皇后冊文

程鉅夫

皇帝尊號玉冊文

姚燧

皇太后尊號玉冊文

姚燧

皇太子冊文

姚燧

成宗皇帝諡冊文

姚燧

仁宗皇帝諡冊文

姚燧

英宗皇帝諡冊文

姚燧

皇后冊文

姚燧

明宗皇帝諡冊文

姚燧

卷第十一

制

加封孔子制

加封孔子父母制

追封宣聖夫人制

追封孟子父母制

追封伯夷叔齊制

封周子為道國公制

楊庸教授三氏子孫制

許衡為懷孟教官制

降封宋主為瀛國公制

丞相史天澤贈諡制

太保劉秉忠贈諡制

左丞董文炳贈諡制

閻復

謝端

虞集

張士觀

閻復

霍希賢

楊果

楊果

王磐

劉元

李榮

李榮

丞相伯顏贈諡制

丞相阿朮贈諡制

丞相線真贈諡制

丞相和禮霍孫贈諡制

翰林承旨王磐贈官制

左丞許衡贈官制

元帥烏野而封諡制

元帥紐隣封諡制

丞相阿塔哈封諡制

妻札刺而氏封王夫人制

丞相塔刺哈追封洪陽王制

妻啜思蠻公主封王夫人制

耶律鈞贈官制

高麗國王封曾祖父母父母制

閻復

閻復

閻復

閻復

王之綱

姚燧

姚燧

姚燧

姚燧

姚燧

姚燧

姚燧

姚燧

元文類目錄七

七

卷第十二

制

高麗國王封曾祖父母制

趙與芮降封平原郡公制

丞相阿里海牙贈諡制

丞相荅剌罕贈諡制

平章史弼封鄂國公制

翰林承旨姚樞贈諡制

翰林承旨姚燧父楨贈官制

留守段貞贈諡制

播州楊邦憲贈諡制

平章廉希憲封諡制

參政商挺贈諡制

樞密趙良弼贈諡制

王構

王構

王構

王構

王構

王構

王構

王構

元明善

元明善

元明善

元明善

平章董士選贈三代制

中丞于璋贈諡制

中丞崔彧贈諡制

平章李庭贈諡制

丞相卜鄰吉台封河南王制

高麗國王矩加恩制

安南國王陳益稷加恩制

平章張珪封蔡國公制

許衡妻敬氏封國夫人制

丞相拜住贈諡制

平章不忽木贈諡制

思州田冕忽而不花贈二代制

太史令王恂贈諡制

御史觀音寶贈諡制

元明善

元明善

張士觀

張士觀

程鉅夫

張士觀

程鉅夫

吳鉅夫

鄧文原

袁桷

盧巨

馬祖常

王士熙

李端

丞相伯顏祖考封諡制
御史大夫相嘉碩利封諡制

宋本
謝端

卷第十三

奏議

時務五事
班師議

許衡
郝經

卷第十四

奏議

立政議
三本書

郝經
陳祐

論盧世榮姦邪狀

陳天祥

卷第十五

奏議

諫幸五臺疏

李元禮

建白一十五事

馬祖常

建言五事

許約

太廟室次議

劉致

真定玉華宮罷遣太常樂議

元永貞

卷第十六

表

東昌路賀平宋表

徐世隆

車駕班師賀表

李浩

賀平宋表

孟祖

進授時歷經歷議表

楊桓

進實錄表

王惲

進三朝實錄表

程鉅夫

翰林國史院陞從一品謝表

程鉅夫

謝賜禮物表

吳澂

元文類目錄上

二

進實錄表

袁集

賀登極表

虞集

經筵官進職謝恩表

謝端

進實錄表

歐陽玄

卷第十七

表

賀正旦表

劉敏中

賀冊后表

楊文郁

賀元旦表

姚登孫

賀建儲表

姚登孫

賀聖節表

李之紹

賀聖節表

鄧文原

賀正旦表

盧亘

賀親祀太廟表

賀親祀太廟表

賀聖節表

虞集

賀正旦表

虞集

賀正旦表

宋本

賀親祀南郊表

謝端

牋

賀正旦牋

夾谷之奇

賀千秋牋

楊文郁

賀千秋牋

袁桷

賀正旦牋

虞集

箴

綱齋箴

鄧文原

慎獨箴

安熙

元文類目錄上

大

銘

簡儀銘

仰儀銘

漏刻鍾銘

渾象銘

玲瓏儀銘

高表銘

太史院銘

瓶城齋銘

王孝女旌門銘

訥齋銘

蘇氏藏書室銘

虛室銘

奎章閣銘

姚燧

姚燧

楊桓

楊桓

楊桓

楊桓

閻復

劉因

吳澂

袁桷

虞集

虞集

虞集

知許州劉侯民愛銘

安氏尊經堂銘

儼思齋銘

李朮魯翀
李朮魯翀
楊剛中

卷第十八

頌

賈侯修廟學頌

青宮受寶頌

駐蹕頌

馮侯去思頌

吳澂
虞集
李朮魯翀
顧文深

贊

魯齋先生畫像贊

書畫像自贊

王允中真贊

質齋贊

王磐
劉因
劉因
蕭爽

元文類目録上

晦庵先生畫像贊

臨川野老自贊

李秦公畫像贊

臨川吳先生畫像贊

西夏相幹公畫像贊

自贊畫像

大象圖贊

橐佗圖贊

靜修劉先生畫像贊

默庵安先生畫像贊

咸如蘇先生畫像贊

郎中蘇公畫像贊

潘雲谷墨贊

李節婦馮靜君贊

卷一

吳澂

吳澂

程鉅夫

虞集

虞集

虞集

虞集

歐陽玄

歐陽玄

歐陽玄

歐陽玄

李洞

王士熙

元文類目録上

元文類目録上

卷一

元文類目錄中

三

元文類目錄中
卷第十九

碑文

國子學先聖廟碑

程鉅夫

曲阜孔子廟碑

閻復

襄陽廟學碑

姚燧

大興府學孔子廟碑

馬祖常

光州孔子新廟碑

馬祖常

真定路宣聖廟碑

李木魯翀

卷第二十

碑文

帝禹廟碑

鄧文原

漢番君廟碑

元明善

侯府君夫人李氏祠堂碑

郭松年

元文類目錄中

一

光州固始縣南嶽廟碑
漢濟南伏生祠堂碑

馬祖常
張起巖

卷第二十一

碑文

中書左丞李公家廟碑
元帥張獻武王廟碑

姚燧
虞集

卷第二十二

碑文

長春宮碑
延釐寺碑
崇恩福元寺碑
普慶寺碑
應昌府報恩寺碑
上都華嚴寺碑

姚燧
姚燧
姚燧
程鉅夫
袁桷

龍翔集慶寺碑

虞集

卷第二十三

碑文

平雲南碑
太師廣平貞憲王碑
太師洪陽忠武王碑
駙馬高唐忠獻王碑

程鉅夫
閻復
元明善
閻復

卷第二十四

碑文

丞相東平忠憲王碑
丞相淮安忠武王碑

元明善
元明善

卷第二十五

碑文

丞相順德忠獻王碑

劉敏中

元文類目錄

駙馬昌王世德碑
曹南王世德碑

張士觀集

卷第二十六

碑文

高昌王世勳碑
句容郡王世績碑
太師太平王定策元勳之碑

虞集
虞集
馬祖常

卷第二十七

崔府君廟記
汴故宮記
鄆國夫人殿記
游龍山記
餘干州學記

元好問
楊奐
楊奐
麻革
李謹思

平蠻記
平江路學祭器記
淮陰侯廟記
舍奠禮器記

陽恪
李淦
楊先韓
鄭陶孫

卷第二十八

檀著記
高林孔子廟記
退齋記
鶴庵記
麟齋記
汴梁廟學記
澧州廟學記
千戶所廳壁記

劉因
劉因
劉因
劉因
劉燧
姚燧
姚燧
姚燧

江漢堂記

姚燧

卷第二十九

記

凝道山房記

吳澂

儀槎亭記

元明善

順州儀門記

元明善

武昌路學記

元明善

虛室記

元明善

萬竹亭記

元明善

濟南龍洞山記

張養浩

邵庵記

袁桷

董子祠堂記

曹元用

考亭書院記

熊禾

卷第三十

記

克復堂記

虞集

誠存堂記

虞集

思學齋記

虞集

舒城縣學明倫堂記

虞集

孝思亭記

虞集

魏宋兩文貞公祠堂記

虞集

尊經堂記

虞集

西山書院記

虞集

鶴山書院記

虞集

張氏新塋記

虞集

御史臺記

虞集

卷第三十一

元文類目録

四

記

石田山房記

馬祖常

小圃記

馬祖常

上都分院記

宋本

績溪縣尹張公舊政記

宋本

水木清華亭記

宋本

湖南安撫使李公祠堂記

宋本

都水監事記

宋本

滋溪書堂記

宋本

臨高縣龍壇記

范本

懷友軒記

杜本

安先生祠堂記

歐陽本

趙忠簡公祠堂記

歐陽本

卷第三十二

序

傷寒會要序

元好問

正統八例總序

楊奐

測圓海鏡序

李冶

大定治績序

王磐

楊紫陽文集序

趙復

通鑑前編序

金履祥

新注資治通鑑序

胡三省

文獻通考序

馬端臨

六書故序

戴侗

釋奠儀注序

張頴

卷第三十三

序

莊周夢蝶圖序

劉因

元文類目録

五

元文類目録

王

續後漢書序

郝經

胡氏律論序

熊朋來

鍾鼎篆韻序

熊朋來

授時歷轉神注式序

楊桓

送進士梁彥中序

姚登孫

送喻秀才序

何中

南唐書序

趙世延

卷第三十四

序

國統離合表序

姚燧

序江漢先生死序

姚燧

送宰先生序

姚燧

送雷季正序

姚燧

送暢純甫序

姚燧

送李茂卿序

姚燧

送姚嗣輝序

姚燧

李平章畫象序

姚燧

序牡丹

姚燧

春秋諸國統紀序

吳澂

服制考詳序

吳澂

陸象山語錄序

吳澂

元學士文稿序

吳澂

別趙子昂序

吳澂

送盧廉使還朝為翰林學士序

吳澂

送何太虛北游序

吳澂

卷第三十五

序

吳幼清先生南歸序

元明善

元文類目録

六

送馬翰林南歸序

元明善

雲南志略序

虞集

杜詩纂例序

虞集

南昌劉應文文稿序

虞集

安先生文集序

虞集

汪氏勳德錄序

虞集

羅氏族譜序

虞集

蔡孝子詩序

虞集

兩尹先生慶九十壽詩序

虞集

送李擴序

虞集

送彰德路經歷韓君序

虞集

送冷敬先序

虞集

卷第三十六
序

農桑輯要序

蔡文淵

送王編修代祀秦蜀山川序

曹元用

風憲宏綱序

馬祖常

卧雪齋文集序

馬祖常

周剛善文稿序

馬祖常

送簡管勾序

馬祖常

大元通制序

李木魯狎

送楊仲禮序

王士熙

文丞相傳序

許有壬

唐律疏義序

柳貫

孔氏譜序

揭傒斯

國朝名臣事略序

歐陽玄

補正水經序

歐陽玄

忠史序

歐陽玄

送曲阜廟學管勾簡君序
送張文瑛序
太常集禮稿序

歐陽玄
謝端
李好文

卷第三十七
書

上耶律中書書
與姚公茂書
與竇先生書
答耶律惟重書
與楊元甫論梁寬甫病證書
上宰相書
與襄陽呂安撫書
與姚江村先生書
答董中丞書

元好問
楊奐
許衡
許衡
劉因
宋術
盧摯
吳澂

上許魯齋先生書
與烏叔備書

王旭
安熙

卷第三十八
說

唯諾說
權說
無極而太極說
致懋亭說
李侯諸子名字說
蘇君字說
題跋
跋金國名公書
跋趙太常擬試賦稿後
題中州詩集後

劉因
何榮祖
吳澂
吳澂
虞集
虞磐
元好問
楊奐
家鉉翁

跋崔清獻公洪忠文公帖

書張侯言行錄後

記太極圖後

跋懷素藏真律公二帖後

題党懷英八分書

卷第三十九

題跋

書李伯時九歌圖後

書貢仲章文稿後

書邢氏賢行

跋盧龍趙氏族譜後

題書學纂要後

跋歐書皇甫誕碑後

書堂邑張令去思碑後

牟嘯

徒單公履

劉因

劉因

胡祗適

吳澂

吳澂

吳澂

元明善

袁裒

袁裒

虞集

書王贊善家傳後

書玄玄贅稿後

書王真言事

書經筵奏議稿後

題吳傳朋書及李唐山水

跋蘇氏家藏雜帖

題郎中蘇公墓誌銘後

虞集

虞集

虞集

虞集

宋集

柳貫

柳貫

卷第四十

雜著

經世大典序錄

事君 治典

卷第四十一

雜著

經世大典序錄

禮典 政典

卷第四十二

雜著

經世大典序錄

憲典

工典

卷第四十三

雜著

四經序錄

易詩書春秋

三禮序錄

儀禮周官

春秋諸國統紀序錄

大戴記

吳澂
吳澂
齊履謙

卷第四十四

雜著

讀易私言

東西周辨

改月數議

卷第四十五

雜著

許衡
吳澂
張敷言

故物譜

辨遼宋金正統

讀藥書漫記 二條

七觀

工獄

元好問
修端
劉因
袁桷
宋本

卷第四十六

策問

國學私試策問 一首

私試策問

廷試策問

擬會試策問

會試策問

廷試策問

姚登孫
吳澂
元明善
曹元用
袁桷
袁桷
袁桷

會試策問
會試策問
廷試策問
廷試策問

虞虞虞虞
集集集集

卷第四十七

策問

會試策問
廷試策問
大都鄉試策問
鄉試策問
鄉試策問
會試策問
鄉試策問

馬祖常
王士熙
李朮魯獅
宋本
歐陽玄
歐陽玄
黃潛

啟

謝嚴東王賜馬啟
謝解啟

康睦
閻復

上梁文

廣寒殿上梁文
太廟上梁文
東宮正殿上梁文
尙書省上梁文
九先生祠上梁文
大次殿上梁文

徐世隆
王磐
盧摯
閻復
薛友諒
宋本

卷第四十八

祝文

江南平告太廟祝文
太廟火災告祭祝文
得玉璽奏告太廟祝文

王磐
閻復
王構

加謚祖宗告祀南郊祝文

己卯春釋菜先聖文

告峨山龍湫文

封龍書院釋菜先聖文

祭海神文

祭伍子胥文

祭文

祭國信使王宣撫文

祭太保劉公文

祭硯司業先生文

祭魯齋先生文

魯齋先生陞從祀祭文

祭康先生文

祭徐承旨文

姚燧

劉因

劉因

安熙

虞集

虞集

楊奐

徐世隆

滕安工

呂端善

許約

王思廉

李之紹

祭袁學士文

哀辭

平章政事廉公哀辭

林處士哀辭

丁文苑哀辭

謚議

何忠肅公謚議

陳文靖公謚議

姚文公謚議

蕭貞敏公謚議

虞集

李元禮

袁桷

許有壬

虞集

虞集

柳貫

劉致

元文類目錄中

元文類目錄下
卷第四十九

行狀

中書左丞李忠宣公行狀

翰林學士承旨董公行狀

卷第五十

行狀

知太史院事郭公行狀

濟南路大都督張公行狀

卷第五十一

墓誌

故金漆水郡侯耶律公墓誌銘

雷希顏墓誌銘

孫伯英墓誌銘

虞集
虞集

齊履謙
張起巖

元好問
元好問
元好問

聶孝女墓誌銘

元好問

南京度支判官楊公墓誌銘

許衡

易州太守郭君墓誌銘

劉因

新安王生墓誌銘

劉因

湖南宣慰使趙公墓誌銘

盧摯

監察御史蕭君墓誌銘

程鉅夫

翰林學士趙公墓誌銘

閻復

卷第五十二

墓誌銘

南京路總管張公墓誌銘

姚燧

唐州知州楊君墓誌銘

姚燧

瀏陽縣尉閻君墓誌銘

姚燧

蘄州甲局提舉劉君墓誌銘

姚燧

廣州懷集令劉君墓誌銘

姚燧

故民鍾五六君墓誌銘

姚燧

彭澤縣尹姚君墓誌銘

吳澂

熊君佐墓誌銘

吳澂

袁君夫人史氏墓誌銘

元明善

翰林承旨王公墓誌銘

袁桷

卷第五十三

墓誌銘

上都留守賀公墓誌銘

虞集

平章政事張公墓誌銘

虞集

卷第五十四

墓誌銘

嶺北行省郎中蘇公墓誌銘

虞集

熊先生墓誌銘

虞集

牟先生墓誌銘

虞集

故贈瑞安知州王公墓誌銘

周母李氏墓誌銘

為美縣尹王君墓誌銘

安定郡夫人王氏墓誌銘

桂陽縣尹范君墓誌銘

曾秀才墓誌銘

卷第五十五

墓碣

國子司業滕君墓碣銘

河南道勸農副使白公墓碣銘

河內李氏先德碣銘

故提刑趙公夫人楊君新阡碣銘

故金甄官署令魏府君墓碣銘

翰林修撰致仕董先生墓碣銘

虞集

虞集

李道源

馬祖常

揭傒斯

歐陽玄

姚燧

姚燧

姚燧

姚燧

元明善

監察御史韓君墓碣銘

吏部員外郎鄭君墓碣銘

國子助教李先生墓碣銘

征行百戶劉君墓碣銘

監黃池稅務王君碣銘

處士甄君墓碣銘

卷第五十六

墓表

錦峯王先生墓表

卓行劉先生墓表

孝子田君墓表

故宋兵部侍郎徐公墓表

故宋勇勝軍統制官詹侯墓表

元氏清河新阡表

張養浩

虞集

虞集

馬祖常

馬祖常

宋本

楊奐

王惲

劉因

徐珍

吳澂

元明善

蘇府君墓表

安先生墓表

王伯益墓表

魏山段氏阡表

張進中墓表

張君墓表

鄧文原

袁桷

虞集

虞集

王士熙

宋本

卷第五十七

神道碑

故金尚書右丞耶律公神道碑

元故領中書省耶律公神道碑

元好問

宋子貞

卷第五十八

神道碑

中書右丞相史公神道碑

中書左丞張公神道碑

王磐

李謙

卷第五十九

神道碑

湖廣行省左丞相神道碑

平章政事忙兀公神道碑

平章政事徐國公神道碑

盧摯

姚燧

姚燧

姚燧

卷第六十

神道碑

領太史院事楊公神道碑

中書左丞姚文獻公神道碑

姚燧

姚燧

姚燧

卷第六十一

神道碑

參知政事賈公神道碑

僉書樞密院事董公神道碑

姚燧

姚燧

卷第六十二

神道碑

平章政事史公神道碑

便宜副總帥汪公神道碑

興元行省夾谷公神道碑

卷第六十三

神道碑

眞定新軍萬戶張公神道碑

潁州萬戶邱公神道碑

同知廣東宣慰司事王公神道碑

成守鄧州千戶楊公神道碑

卷第六十四

神道碑

鄧州長官趙公神道碑

姚燧

姚燧

姚燧

姚燧

姚燧

姚燧

姚燧

姚燧

卷第六十五

神道碑

山南廉訪副使馮公神道碑

浙西廉訪副使馮公神道碑

故宋太常少卿陳公神道碑

故提舉太原鹽使司徐君神道碑

姚燧

姚燧

姚燧

平章政事廉文正王神道碑

河南行省左丞相高公神道碑

橐城令董府君神道碑

集賢直學士文君神道碑

卷第六十六

神道碑

福建廉訪副使仇公神道碑

御史中丞楊公神道碑

趙孟頫

虞集

元好問

元好問

元明善

元明善

翰林承旨劉公神道碑

虞集

卷第六十七

神道碑

河東廉訪使程公神道碑

王思廉

故宋文節先生謝公神道碑

李源道

廣平路總管邢公神道碑

馬祖常

禮部尙書馬公神道碑

馬祖常

翰林學士元公神道碑

馬祖常

卷第六十八

神道碑

平章政事致仕尙公神道碑

李木魯翀

大都路都總管姚公神道碑

李木魯翀

參知政事王公神道碑

李木魯翀

卷第六十九

傳

李伯淵奇節傳

曹居一

金同知沁南軍節度使事楊公傳

姚燧

烈婦胡氏傳

王惲

何長者傳

胡長孺

陳孝子傳

胡長孺

史母程氏傳

袁桷

李節婦傳

揭傒斯

卷第七十

傳

橐城董氏家傳

元明善

節婦馬氏傳

元明善

張滄傳

元明善

高昌僕氏家傳

元文類目錄下

元文類卷一

賦

瑟賦

熊朋來

庖犧氏之創物兮始弦桐以為瑟象離三之虛中兮戴九梁而洞越弦大衍之五十兮不勝悲而半析浩朱襄之飄風兮肇五弦於士達瞽三之為十有五兮重華作而增八灑有番弦兮或二十而贏七必五五而迺定兮與天數以為一紛弦樂之殊名兮皆放此而後出夫是以稱樂器之宏兮莫敢擬大而度長歷炎黃而陶唐兮為咸池之大章韶以詠而永言兮聲依永乎虞歌之明良及周為雲和兮友之以龍門空桑想夫制作之妙伶倫吹葭后夔拊手晏龍度左公輸斷右其長為黃鐘者九兮倍其九以為首也其商為頌瑟兮其宮以為雅奏也夫惟瑟聲者歌聲之所生弦二十有五兮旋宮具也七弦相為律兮番弦五也鳳和鳴兮其句也鴈行飛兮其柱也歌必取瑟兮既歌而語也徒歌曰謠兮徒鼓瑟曰步

也恆爲堂上之樂兮瓠竹在下也名其爲登歌之器兮無故不去也瑟教廢則歌詩者莫之爲譜也是以聖門亟稱於瑟自秦以降豈無他弦而有所不必言焉胡不觀於魯論乎孺悲之所聞點爾之侍坐由也之在門弦歌之聲比瑟以傳又不觀於國風之唐秦乎唐有山樞秦有車鄰皆專言乎鼓瑟不見刪於聖人胡不觀文王之廟祀乎一倡三嘆應弦如見歌呼於穆遺聲盈耳升歌示德舍瑟曷以又不觀於周公之禮經乎飲射賓燕禮盛樂備登歌在堂閒歌在陛或以瑟二或以瑟四堂上侑歌惟瑟而已若迺騶虞狸首閒若疊奏鄉樂惟意二南先後燕有房中五弦樂學有宵雅之肄教皆三於瑟而他弦莫侑此古人之所甚重今人之所駭笑者也自韓非之妄論齊人之見擯秦蒙將軍剖之而爲箏易京君明變之而爲準新聲代作古意浸泯若迺絲聲之器遽數之莫能旣侯氏之坎坎師延之靡靡嵇阮寄嘯之具秦漢鼗鼓之戲於是六合百納絲桐亦改其制太乙天寶弦柱各出其新意吳蜀楚之

聲不同平清瑟之調滋異厥有鷓弦金縷左振右擊檀槽銀妝孤柱四隔立擲臥摘竹軋木楹白虎之爪黃金之撥能使師曠瓠巴拙但見吃阨蘇葩俳優裸裎以助其喧豗都曇臘答急笛悲策以奮其啁晰觀其指法則秦箏多撮琵琶多抄空侯多摩柳琴多擊竊比於琴家之猿吟按抑孰若一弦一柱取聲於自然而不假弄手以爲力也弦樂莫先於瑟他弦行世而瑟不行焉是棄其祖而爲支裔之從摧其根而葆由枿之萌也若迺道調仙呂託異人之夢授而律呂每混於俗稱怨湘哭顏疑胡琴之避徵而曲調例闕其徵聲又孰若一弦七律諸調皆在焉而隔八之弦自相生也然而箏笛之耳未能聽古淡者見操瑟而已嫉章句之儒僅知守詁訓者闖歌詩而自失惟夫陸沈野逸舒溼宣鬱宛其俛命且以永日人莫我好而吾瑟之僻於是采孤桐兮南山之陽致文梓兮北山之北本以黃鍾度以周尺遂練朱而繩絲雖繪錦而貴質小弦之縷七十餘二大弦之絲八十有七初促柱以高張乍試手而

拂歷始肄蒿萃之食載歌寤寐之服但聞誦詩之聲莫知弦指之力逮手熟而習貫益心悅而忘倦為之歌伐檀若有斲輪乎河岸為之鼓考槃若有叩槃乎山澗方且陳懿戒以自警聽衡門而無悶賦白駒之逍遙諷淇澳之瑟備和鏘鳴兮中清寄散聲於咏嘆其赤松而調均異湘靈之悲怨儻流魚之能聽付狸鼠於不見誦閒情以自欣虞僕人之見訕遂迺避俗塵而韜錦且弛弦以回鴈善吾瑟而不鼓思悠悠兮待旦亂曰皇義肇瑟韶以詠兮姬孔歌詩瑟之盛兮瑟遠詩存歌不傳兮孰能誦詩惟朱絃兮勿求諧世我思古兮解弦弭柱羨昭文不鼓兮

烏木杖賦

姚燧

去年史仲威得烏木杖大經咫高可過額嘗析一杖遺余許為賦報之其秋仲威疾歷三時未勿藥也今年余生朝使人肩木之半相壽且促曰吾疾所以嬰綿者豈思不償賦致耶不佞誠得一誦其辭或可釋杖而起矣余勤其言而賦曰

或曰炎海之山珍木產焉金為之聲石與其堅魁結伐荷投諸瀧淵依居蛟蜃漱沫濡次歲月俟之伐而為立要出人為非得自天此島夷假以售利於中土之微權也抑齋聞而笑之曰昔賈鬻鞭梃蠟其膚市者一濯已呈蒼枯胥是黝材裏表一如從可占知迺受形其本初者也胡子以由彼而然乎今夫中土之山有眾其植斧取觀之內各異色樟柞稠文杜棗栲赤檀柏栢黃蒲檉械白與爾漢里遐裔絕域瀟灑衫紫儋黎沉褐罽賓鷄舌相半白黑一隅斯舉三可反蹟茲庶品之爛爛果孰漚以何澤況於兩閒滋雨噓風敷吐華耀為白為紅深淺濃淡萬不齊同令人感之欣心悅瞳問誰為之能然皆著妙於化工夫其見諸柯葉之外者如此又何惑理質於其中哉且水火之赤黑不一其色者雖童子猶能知之至語其相賊而為用有戴白之老所未思維男子之婦王賓雄黑而赤雌始若悍而難馭終為天之所移今其色之幽幽迺昔赤之由基是何資於遠讐只賜竈亦可闕彼炎赧而列者焰也其煙液

爲煤必黔而緇因以曉夫巧繪之棄鉛朱亦懼其既久漫漶而爲黔又以信道書坎盛之侵離也不然南服之洲祝融之宅也歆金石而焦流蓋火熾之已極非塵其水以滅之則物將不能以生活故伊人之睜面不渥赭而深黑示火色之索藏惟獨見夫水德而已矣其木理之如漆者又足惑乎哉史鮪之孫其畏可象析而杖之奔走相餉輟矛廬於猛士配几履於席上試扶衰以起策觸爪甲而鏗響思卷鐵而含簧陋柳侯之爲匠必求同於所異纔黑蛇之彷彿噫物之變化不可期兮猶足以乘雲霧而騰往也

求志賦

袁 衷

古人以賦託志或比擬賢哲或寓情幽怨或述已出處若愍志復志述志之類非一大抵皆假設仿喻依楚語屬辭余老於憂患年垂耳順白首無成因想先世遺業敘次爲求志賦其言曰稽胚暉之攸淑兮肇啟迹於虞嬀逮流胤於公滿兮實楸衍於大姬爰錫胙於汝穎兮廣采壤於餘支及嬴項之蹶仆兮通宛洛之

說辭固守儒以卒業兮闡炎漢之由戡鍾厥美其帝傳兮暢奕葉以演迤歷東都之綿楚兮終江左而隆衰清風邈其復振兮參王謝而並馳粲抱道而質義兮狗石頭以燔夷誼推本以篤烈兮謂其信之在茲世悠悠而遐迥兮窈譜謀之莫推跡芳馨之所由兮劬隴畝以爲基值文明之泰亨兮奮德義於海陲迄登名於太常兮翼時意以驂駢振英風於句越兮雍榛蹊而闢之聯魚符於南北兮敞家聲以騰輝方渡江之中阨兮興禮樂於浙瀛濬伊洛之鴻源兮本沂泗之宗繫始揚武於鷺雍兮嗣冠名於虎陛挺正色而不阿兮粵忠讜乎繼世佩太阿之森鉞兮壬佞嘍喑以匿避激淵淪於頽波兮徒喑鳴而獻歆黯抗言以疏遠兮弘曲學而高位卒滔滔而莫返兮竟奄冉而淪棄悼蕪城之荒蔚兮莽荆榛之翳蒼山川鬱其嵯峨兮俛榮華之銷瘁耿修名之炤焯兮齊往哲而超詣乾坤倏其凌薄兮儼陵谷之變遷盛衰渺其難堪兮何興仆之後先駕方舟於弱水兮刈畚鍾於石田躬勤瘁以畢歲兮挽吾

輶而莫前造窮山之窄客欽峯兮鄰豺虎之嗥突虺贊汲線溜於
荒谷兮刈菽藿於墳衍離阨危於嬰稚兮紛俶擾而速蹇覽古人
以爲前兮徵往轍而訊驗伸翁俯首以綰綬兮望之落落以抱關
衍秉剛以放逐兮永默默以名宦閱仲翔之通筮兮屏南交而不
返既昭塞之有時兮縱余情而舒卷迺鷁退而螻伏兮寄余懷於
編簡雷營營而無寐兮精炯炯而申旦縣朽綆於智井兮悵羸耕
而三歎分橡栗於羣狙兮心倉兄而不伸涉江海而行邁兮追奔
驥之飛塵羌骯髒而寡與兮若昧瞶以問津忽荼毒其重罹兮哽
顛連而悲辛髮種種而既童兮齒零落而輪囷叩辜愆於蒼昊兮
雲漠漠而奚啻躡九死而一蘇兮屬微息之僅存契靈龜以貞卜
兮墨未食而已湮卒罔罔而迷適兮掩余袂以沾巾謂玄化之窈
冥兮爰屏肅乎營魂形彷彿於噩夢兮喻至理之所循俾內省於
微躬兮曷怨尤乎天人既爾生之犖确兮絜四體而靡勤仰哺啄
以尸居兮媿胼胝之黧黔下不能以傭力兮上不足以奉承乎大

君徒內巽於願欲兮宜外覩於甄鈞觚不觚而靡用兮固宣父之
所云挾章甫以賈粵兮遇侮慢而誰因波洩洩而東駛兮日瀏瀏
而西輪睇修途之逾邈兮飲余馬乎江瀕佩脂韋以假飾兮顏屢
頽而已沮目愀怨以流盼兮心壹鬱而誰語緣微徑以援援兮察
愚智於今古蘭芳馨而自炳兮松流膏而斤斧膺厲節以殲類兮
蟠渾渾而容與登長嘯以夷猶兮康皎潔而觸悟威并舞以委誠
兮毫失節而罔措微執中以事讐兮色侃侃而愈嫵諒合散之靡
常兮豈得喪之有數委吾形於大順兮昭惠迪而內顧踐康莊之
夷軌兮黜健羨而罔慕頤天真於立立兮鍵靈關以爲固尋至道
之所歸兮去性根之蝨蠹念英葉之難再兮惜吾年之云暮全所
守以解驂兮結余轡于馳驚逍遙乎無爲之園兮采芝英以甘茹
滌瑕垢以保躬兮依名德之爲據寄遙情於沖漠兮將弭節乎藝
圃激立冥以漱潤兮伏神雀於丹淵掉蒼龍使騰蹕兮執白澤俾
潛藏御飈輪以登太淵兮叩招搖以周旋斟瑤池之縹醕兮與大

椿而論年嗟薜英之卒卒兮徒掩抑於逝川精銷委以鮪鬣兮玄
領忽以白顛惟守中以返朴兮詎索隱之是專矚雲霞而游目兮
味泰和以自堅屏紛濁以純一兮卻智慧而俱捐警夙宵以康神
兮祇吾性之所天既命義之齷齪兮置休戚於自然泊虛舟於回
渚兮逝將返乎故土問耕鑿於沮溺兮綸陵陽之綱緒食所力以
保終兮企優游於末路希幼安之靖共兮濯清冷而游豫風颯颯
而淒厲兮凜凜葭之霜露蹇躓豈其願兮摧輪亦吾所深懼求正
志之所蘊兮庶無忝於祖武亂曰已矣乎吾誰適與歸荆途莽莽
曰耘治兮灌溉根牙長茲兮守質養素不傾欹兮外息驕吝內
自怡兮明明在上毋我欺兮超然而存無所爲兮誠心不疚允耆
頤兮

畫枯木賦

虞集

夫誰畫此枯樹兮臨不食之散泉既偃蹇又嚙食兮骨岸岸以弗
妍想執筆以極思兮忽機釋而神旋遺眾壞於甞有勒不毀之所
全或墜去於斤運或石泐於溜穿淪無雨以如晦况非規而能圓
澹黝如其既失旋蒼然而在前命以物而不可孰秋春而論年噫
吁嘻被革以毛膏膚用丹皆爲流眩頤當注次獨何爲託寂寞於
無意而刻畫其不傳者邪

傷已賦

馬祖常

嗟余生之多憂兮幾顛踣而數窮誓續言以自見兮力遲士之高
風呼莧龍以駕我伴莧使使爲期何九稼之不一獲兮尙偃蹇而
如茲豈劓劓之有不善兮將世德之下賢薦芻蕘於宗器兮綴履
綦以璣環封孰旄以塊秦岱兮謂泛濫其莫涯冠髻童以弁冕兮
問禮意而莫支決大疑於淫鬼兮憑巫傳以度揆顧聖言之鞿勒
兮執綱維爲械意欄相道之無朋兮去一髮之幾希柅吾車之莫
騁兮膠吾口而難辭懲前悔之不憚兮配吾道其或可思一旦捨
此而改圖兮念後余之病我日浚惡以啟堙兮患世之屏經而好
權躄歧蹊之多迷兮世或謂其固然抱昌辭以適與我兮俟來學

以偕行辨百家之糾紛兮孰察余之衷情亂曰我涉大波孰爲航
兮我載大塗孰爲箱兮古聲嗶嗶金石之揚兮世無俚兮

感志賦

李好文

何天地之寥邈兮眇予生之有身履黃坤之博厚兮仰玄覆以無
垠 眾金於大冶兮偶形留夫粹質苟莫邪而弗自砥兮固鉛敞
之所同服蒙予若之倥侗兮承鞠訓于自宮佩非善而罔繫兮服
非惠而匪躬鞏余革之中申兮鞞余騰之容容擷穉圃之日精兮
濯淤漣之荷華卻穠李而弗御兮矧籜臭其焉加歲翩翩其不居
兮首元服以及冠恐罔兩之挾余兮門面墻而無見瑟假道於書
林兮求孔氏之高明遵文衢之逶迤兮愈多歧之縱橫吻懽悅而
莫適兮從文公而徵詞曰爾神潛而志栖兮終必達夫所期果服
言以從事兮羸十年而戾之覽天庭以游目兮又欲窮夫四遐觀
百氏之原委兮究異說之貞訛派太初之無始兮循三王之不頗
總條理于一聖兮固馴致夫中和洎余有志于古人兮懼修名之

嚶嚶忘漆雕之自信兮惜學優之有得謂青雲其可力而致兮謂
時命之可弋較余行之吉日兮遂觀國乎上京指闐闔以徑往兮
奄長風而北征眩天都之雄麗兮非下土之能名信魚龍之所混
并兮亦名利者之爲場余旣初無赫赫兮又何適夫煌煌翽捷步
之高才兮豈扶服之能躅挈桔槔之類仰兮恐祈榮而離辱夫何
眾之熙熙兮我獨約兮而爲德資章甫以適越兮固前修之所爲
感殮玉羞以燎桂兮曩日索而焉留有東昏之故居兮盍歸來之
爲謀浮輕舟以南下兮亂海淀之交流返弊廬以窮處兮迄於今
一紀其將及晝于茅於南畝兮宵索綯而未息傷鵲鴿之原居兮
慮鷓鴣之無室遠子荆之有美兮羌終棄乎草澤余非昧而至愚
兮誠有徵乎前哲聞耕穫于道德兮內懷寶以自珍豈畎畝之足
樂兮閨閻漠而無闐音樊須之請稼兮迺獲諒於聖人摯冥冥其
鴻飛兮猶釋耒乎有莘溺耦沮之不反兮又奚足與爲羣悲此志
之未伸兮秉經德之不回心飛揚而披離兮曷日夜而疚懷亂曰

鹿之斯奔兮其足跂跂河魚衝波兮乃窺其尾物終必反兮有張
斯弛往不必求兮來者是埃庫不隨阿兮險不期詭貞途安行兮
不易厥止優哉游哉兮于以自矢

騷

白雲辭二章

劉因

白雲凝情兮佩月光白露結彩兮明幽芳眾星皎皎兮水波不揚
渺予思之若過兮耿在目兮而不忘音容著兮形無方肅予中立
兮四無旁子毋歸來兮山高水長

白雲高飛兮杳不可尋靈風長往兮聲不在乎幽林皎月東生兮
忽西沈玄鶴何逝兮遺之音予思未及兮實懷我心儻萬里兮捐
所歆曠同游兮啟雲襟子毋歸來兮幽水深

悠然閣辭

袁桷

鄙之西兮峰圍圍虎豹屹兮雄姿綬蜿蜒兮紫曳旌駮駮兮虹垂
之人兮槃阿畏羲娥兮高馳築虛觀兮虛明手參差兮以娛棟隆

兮示背榮翼兮聳喙鑑匯雪兮鄙之區揅有七兮日斟采菊兮黃
裳緝萸兮紫囊芳冥冥兮夕暉憺獨睇兮擬所思雲飛英兮山之
阜為子留兮不遐以處秉貞兮神專觴彌劇兮益完山中之樂兮
不可以久遲予返兮悠然

垂綸亭辭

袁桷

漢滔流兮日傾東滄浪兮泠泠蹇一士兮沈冥垂芒鉞兮不屑以
醫明珥兮貝宮朱柯蔚兮青葱魚戢鱗以為衛兮龍騰章以屏氣
謝娟嬾之嘗巧兮口垂沫以縱恣吾靈養之以歲年兮寶祕鬱而
不宣豈直鉤以違眾兮守釣道之自然時至而迅舉兮匪荒幻之
詭誘保貞志以遂初兮考銘言于耆叟時俗眇其莫同兮永願託
依夫前聖之所究宋誠夫都中人舊見所為文深器偉梅與南宮
初志云

雲山辭

王士熙

山氤氳兮出雲又泠泠兮以雨倏日出兮雲飛山青青兮極浦橫

浮雲兮水粼粼
奉柱若兮采白蘋
葺荷宇兮桂為棟
臨江畢兮悵懷人

元文類卷一

元文類卷二

樂章

郊祀樂章

皇帝入中壝

出入小次

黃鍾宮

赫赫有臨洋洋在上克配皇祖於穆來饗肇此大禋乾文弘朗被

袞園丘巍巍立象

皇帝盥洗

黃鍾宮

翼翼孝思明德洽禮功格玄穹有光帝始著我精誠潔茲薦洗幣

玉攸奠永集嘉祉

皇帝升壇

降同

大呂宮

天行惟健盛德御天日月龍章翼翼宮縣藁鞞尙明禮璧蒼園神

之格思香升燔煙

迎神

圓鍾宮

六變

烝哉皇元丕承帝眷報本貴誠于郊殷薦藁鞞載陳雲門六變神

之格思來處來燕

初獻盥洗

黃鍾宮

隆成之曲

肇禋南郊百神受職齊戒惟先匪馨于稷迺沃迺盥祠壇是陟上

帝監觀其儀不忒

初獻升壇

降同

大呂宮

於穆園壇陽郊奠位孔惠孔時吉蠲為饗降登祇若百禮既至願

言居歆允集熙事

正配位奠玉幣

黃鍾宮

欽成之曲

謂天蓋高至誠則格克祀克禋駿奔百辟制幣斯陳植以蒼璧神

其降康俾我多益

司徒捧俎

黃鍾宮

靈成之曲

我牲既潔我俎斯實笙鏞克諧邊豆有飴神來宴娛歆茲明德永

錫繁禧如幾如式

昊天上帝位酌獻

黃鍾宮

明成之曲

於昭昊天臨下有赫陶匏薦誠馨聞在德酌言獻之上靈是格降

福孔皆時萬時億

皇地祇位酌獻

大呂宮

至哉坤元與天同德函育羣生玄功莫測合饗園壇舊典時式申

錫無疆聿寧皇國

太祖皇帝位酌獻

黃鍾宮

禮大報本郊定天位皇皇神祖反始克配至德難名玄功宏濟帝

典式敷率育攸暨

皇帝飲福酒

大呂宮

特牲享誠備物循質上帝居歆百神受職皇武昭宣孝祀芬苾萬

福攸同下民陰隲

皇帝出入小次

黃鍾宮

惟天為大惟帝饗帝以配祖考肅贊靈祉定極崇功永我昭事升

中于天象物畢至

文舞退武舞進

黃鍾宮

和成之曲

羽籥既竣載揚玉戚一弛一張匪舒匪棘八音克諧萬舞有奕永

觀厥成純嘏是錫

黃鍾宮

亞終獻

有嚴郊禋恭陳幣玉大喜是承載祇載肅上帝居歆馨香既飫惠

我無疆介以景福

大呂宮

徹籩豆

三獻攸終六樂斯徧既右饗之徹其有踐洋洋在上默默靈眷明

禋告成於皇錫羨

圓鍾宮

天成之曲

神之來歆如在左右神保聿歸靈斿先後恢恢上圓無聲無臭日

監孔昭思皇多祐

黃鍾宮

望燎位

熙事備成禮文郁郁紫煙聿升靈光下燭神人樂康永膺馘穀祚

我不平景命有僕

黃鍾宮

皇帝出中壝

泰壇承光寥廓玄燠暢我揚明饗儀惟大九服敬宣聲教無外皇

拜天祐照臨斯屆

無射宮

順成之曲

皇帝入門

熙熙雍雍六合大同維皇有造典禮會通金奏王夏祇款神宮感

格如響嘉氣來叢

無射宮

順成之曲

皇帝盥洗

天德維何如水之清維水內曜配彼天明以滌以濯犧象光晶孝

思維則式薦忱誠

夾鍾宮

順成之曲

皇帝升殿

皇明燭幽沿時制作宗廟之威降登時若趨以采芡聲容有恪曰

藝曰文監茲衍樂

皇帝入小次

出同

無射宮

昌寧之曲

於皇神宮象天清明肅肅來止相維公卿威儀孔彰君子攸寧神之體之綏我思成

迎神

九成

黃鍾宮

思成之曲

齊明盛服翼翼靈眷禮備多儀樂成九變烝烝孝心若聞且見肸饗端臨來寧來燕

初獻盥洗

無射宮

肅寧之曲

酌彼行潦維挹其清潔齊以祀祀事昭明肅肅辟公沃盥乃升神之至止歆于克誠

初獻升殿

降同

夾鍾宮

肅寧之曲

祀事有嚴太宮有恤陟降靡違禮容翼翼邊豆旅陳鐘磬翕釋於昭吉蠲神保是格

司徒捧俎

無射宮

嘉成之曲

色純體全三犧五牲鸞刀屢奏毛魚載羹神具饜飫聽我磬聲居

歆有永胡考之寧

太祖法天啟運聖武皇帝第一室

開成之曲

天扶昌運混一中華爰有真人奮起龍沙際天開宇亘海為家肇修禋祀萬世無涯

睿宗仁聖景襄皇帝第二室

武成之曲

神祖創業爰著戎衣聖考撫軍代行天威河南底定江北來歸貽謀翼子奕葉重輝

世祖聖德神功文武皇帝第三室

混成之曲

於昭皇祖體健乘乾龍飛應運盛德光前神功耆定澤被垓塹貽厥孫謀何千萬年

裕宗文惠明孝皇帝第四室

天啟深仁須世而昌追惟顯考敢後光揚徽儀肇舉禮備音鏘皇靈監止降釐無疆

順宗昭聖衍孝皇帝第五室

慶成之曲

龍潛于淵德昭于天承休基命光被紘誕洋洋如臨邊豆牲牲惟明惟馨皇祚綿延

成宗欽明廣孝皇帝第六室

天開神聖繼世清寧澤深仁溥樂協韶謨宗支嘉會氣和惟馨繁釐來格永被皇靈

武宗仁惠宣孝皇帝第七室

禧成之曲

紹天鴻業繼世隆平惠孚中國威靖邊庭厥功惟茂清廟妥靈歆

茲明祀福祿來成

歆成之曲

仁宗聖文欽孝皇帝第八室
紹隆前緒運啟文明深仁及物至孝躬行惟皇建極盛德難名居

歆萬祀福祿崇成

永成之曲

明宗翼獻景孝皇帝第九室
猗那皇明世續神武敬天弗違時潛時旅龍旂在塗言受率土不

遐有臨永錫多嘏

英宗睿聖文孝皇帝第十室

獻成之曲

神聖繼作式是憲章誕興禮樂躬事烝嘗翼翼清廟煜有耿光於

千萬年世仰明良

皇帝飲福酒

穆穆天子禮祀太宮禮成樂備敬徹誠通神胥樂只錫之醇醴天

子萬世福祿無窮

文舞退武舞進

天生五材孰能去兵恢張鴻業我祖天聲干戈屈盤濯濯厥靈於

赫七德展也大成

亞獻終獻同

無射宮

肅寧之曲

幽通神明所重精禋清宮肅肅百禮具陳九韶克諧八佾煒煒靈

光昭答天休日申

徹邊豆

夾鍾宮

豐寧之曲

邊豆芬苾金石鏘鏗禮終三獻樂奏九成有嚴執事進徹無聲神

保幸歸萬福來寧

送神

黃鍾宮

保成之曲

神主在室神靈在天禮成樂闋神返幽玄降福冥冥百順無愆於

皇孝思於萬斯年

無射宮

昌寧之曲

皇帝出廟庭
緝熙維清吉蠲致誠上儀具舉明德薦馨已事而竣歡通三靈先

祖是皇來燕來寧

社稷樂章

林鍾宮

鎮寧之曲

降神

二成

以社以方國有彝典大哉元德基祚綿遠農功萬世於焉報本顯

相默祐降監壇墀

太簇角

鎮寧之曲

降神

二成

錫民地利厥功甚溥昭代典禮清聲律呂穀旦于差洋洋來下相

此有年根本日固

降神 二成

姑洗徵

鎮寧之曲

平厥水土百穀用成長扶景運宜歆德馨五祀為大千古舉行感

通於蠻登歌鎮寧

南呂羽

鎮寧之曲

幣齊虔修粢盛告備倉庾坻京繫誰之賜崇壇致恭幽光孔邇享

于精誠休祥畢至

太簇宮

肅寧之曲

初獻盥洗
禮備樂陳辰良日吉挹彼罇罍馨哉黍稷濯漑揭虔維巾及纂萬

年嚴祀踰踰受職

應鍾宮

肅寧之曲

春祈秋報古今彝章民天是資神靈用彰功崇禋嚴人阜時康雍

雍為儀燔芬苾香

太簇宮

億寧之曲

正配位奠玉幣
地祇饗德稽古美報幣帛斯陳圭璋式縱載烈載燔肴羞致告雨

賜時若不圖永保

司徒捧俎

太簇宮

豐寧之曲

我稼既同羣黎徧德我祀如何牲牷孔碩有翼有嚴隨方布色報

功求福其儀不忒

太簇宮

保寧之曲

正位酌獻 異世同德於皇聖造降茲嘉祥衛我大寶生乃烝民侔德覆燾厥

作祿將有相之道

太簇宮

保寧之曲

配位酌獻 以御田祖皇家秩祀有民人焉盍究本始惟敘惟修誰實介止酒

旨且多盛德宜配

太簇宮

咸寧之曲

亞終獻 以引以翼來處來燕豆遵牲牢有楚有踐庸答神休神亦錫羨土

穀是依成此醕獻

應鍾宮

豐寧之曲

文治修明相成田功功為特殊儀為特隆終如其初誠則能通明

神毋忘時和歲豐

林鍾宮

鎮寧之曲

送神 不屋受陽國所崇敬以興來歲苞秀堅穎雲駟莫駐神其諦聽景

命有僕與國同永

太簇宮

肅寧之曲

望瘞位 雅奏肅靈繁釐降格篚厥玄黃丹誠烜赫肇祀以歸瞻言咫尺萬

年攸介丕承帝德

先農樂章

降神 二成

林鍾宮

鎮寧之曲

民生斯世食為之天恭惟大聖盡心於田仲春劭農明祀吉蠲馨

香感神用祈豐年

太簇角

鎮寧之曲

降神 二成 耕種務農振古如茲爰粒烝庶功德茂垂降嘉奏艱國家攸宜所

依惟神庸潔明粢

降神二成

姑洗徵

鎮寧之曲

俶載平疇農功肇敏千耦耕耘同祖隰畛田祖丕靈為仁至盡豐

歲穰穰延洪有引

降神二成

南呂羽

鎮寧之曲

羣黎力耕及茲方春維時東作篤我農人我黍既華我稷宜新由

天降康永賴明神

初獻盥洗

太簇宮

肅寧之曲

洞酌行潦真足為薦奉茲潔清神在乎前分作甘霖沾漑芳甸慎

于其初誠意攸見

初獻升壇

降同

應鍾宮

肅寧之曲

有俶其馨維多且旨式慎爾儀降登庭止黍稷稻粱民無渴飢神

嗜飲食永綏嘉祉

正配位奠玉幣

宮

億寧之曲

奉幣維恭前陳嘉玉聿昭盛儀肅雝純如南畝深耕麻麥禾菽用

祈三登膺受多福

司徒捧俎

太簇宮

豐寧之曲

奉牲孔嘉登俎豐備地官駿奔趨進光輝肥碩蕃孳歆此誠意有

年斯今均被神賜

正位酌獻

太簇宮

保寧之曲

寶壇巍煌神應如響備膺咸有牲體必芳洋洋如在降格來享秉

誠罔怠羣生瞻仰

配位酌獻

太簇宮

保寧之曲

酒清斯香牲碩斯大具列觴俎精意先會民命惟食稗莠毋害我

倉萬億神明攸介

亞終獻

太簇宮

咸寧之曲

至誠攸感肝鬲潛通百穀嘉種爰降時豐祈年孔夙稼穡為重俯

歆醴齊載揚歌頌

徹豆

應鍾宮

豐寧之曲

有來雍雍存誠敢匱廢徹不遲靈神攸嗜孔惠孔時三農是宜眉

壽萬歲穀成丕乂

送神

林鍾宮

鎮寧之曲

焘蒿悽愴萬靈來娛靈神具醉聿言旋歸歲豐時和風雨應期皇

圖萬年永膺洪禧

望瘞位

太簇宮

肅寧之曲

禮成文備款受清祀加牲兼幣陳玉如儀靈馭言旋面陰昭瘞集

茲嘉祥常致豐歲

釋奠樂章

降神

黃鍾宮

凝安之曲

天縱之聖集厥大成立言垂教萬世準程廟庭孔碩尊俎既盈神

之格思景福來并

初獻盥洗

姑洗宮

同安之曲

神既寧止有孚顒若疊洗在庭載盥載濯匪惟潔修亦新厥德對

越在茲敬其維則

初獻升階

降同

南呂宮

同安之曲

大哉聖功薄海內外禮隆秩宗光垂昭代陟降在庭攝齊委佩莫

不肅讎洋洋如在

南呂宮

明安之曲

奠幣 圭袞尊崇佩紳列侑邊豆有楚樂具和奏式陳量幣駿奔左右天

睠斯文繫神之佑

文宣王位酌獻

南呂宮

成安之曲

惟神監格享于克誠有樂在縣有碩斯牲奉醴以告嘉薦惟馨綏

以多福永底隆平

充國公位酌獻

潛心好學不違如愚用舍行藏乃與聖俱千載景行企厥步趨廟

食作配祀典弗渝

鄒國公位酌獻

洙泗之傳學存性命力距楊墨以承三聖遭時之季孰識其正高

風仰止莫不肅敬

亞終獻

姑洗宮 文安之曲

廟成奕奕祭祀孔時三爵具舉是饗是宜於昭經訓示我民彝紀

德報功配于兩儀

送神

黃鍾宮 凝安之曲

禮成樂備靈馭其旋濟濟多士不懈益虔文教茲首儒風是宣佑

我皇家億載萬年

四言詩

致樂堂詩

致樂堂者集賢待制周君之所以奉母者也蜀郡虞集為之賦詩

翼翼新堂有闕有房人人來居既安既舒既好既寧載燠載清言

闕于門以寫我誠有齊其馬有伉其軒為子來者允貴且賢貴容
舒遲賢有令儀爾因爾宗先君之思翕爾兄弟具于嘉旨我飲我
食先君之子詩言柔温禮言著存我撫我惠先君之孫樂哉誰氏
維周壽母疇克致茲周南仲子君子善頌文則多有又永歌之以
導燕喜

萬戶張公廟堂詩

虞集

大德辛丑昭勇大將軍河南征行萬戶鎮通州張公以其兵從征
緬死之通人作廟以祀公三十年開朝之公卿大夫士能為文章
者莫不為之有所製作泰定丁卯公子御史亦俾予賦之集以為
征緬事始末在朝諸君子則知之矣通州僻在江海之際其人何
自知之況久遠乎且不著夫狂夫首禍之故成宗皇帝聖明卒致
其罪則公所以不肯墮其構陷必甲冑以死之意亦終不白於通
人之將來也故稍原其始而道之庶其有考也詩曰
於赫世皇並用豪傑一定宇內夔厥戈甲既久既安成宗繼之祖

功莫加道在守持狂夫興謀以動相國曰昔祖宗咸尙戰克萬方
悉來史皆前能我獨無名曷稱繼承蠢彼西南翳叢負固聚落八
百各統女婦人強善騎馬具競豪豕于牢黃金飾槽取而有之
富可足用赫乎功多以世智勇相臣以聞天子曰嘻有是言哉汝
其試之狂謀既售諫言不入既賦軍實弓鉞仍戢餽饗啟行萬里
騷然飢危蹈毒未戰已捐番番名將天子爪士鎮于江滸天子所
使狂夫忌之承制驅之詎思國謀徒逞厥私將軍慨言死我臣職
可陷者身不陷吾直見制鄙庸豈我召凶心知無還况冀立功與
其矯誣死彼狂手孰與奮擊不喪吾守孤旅轉戰深入不回殺僂
既多身卒死之三軍失聲萬士喪氣孰明公心君門萬里裹革東
歸遙遙江瑤部曲候迎悲風旆纏民懷其忠士感其義虎奮鷹揚
如見其至卜廟得吉東望際海神來妥之有永無壞狂夫辱國天
子震怒立呼狂豎斬以大斧狂罪則誅死事奈何褒封哀榮百世
不磨豈惟不磨元嗣御史既有兄弟又多孫子奕奕勳門秩秩良

材天之報忠豈有涯哉

元文類卷二終

元文類卷三

五言古詩

箕山

元好問

幽林轉陰崖鳥道人跡絕許君棲隱地唯有太古雪人閒黃屋貴
物外祇自潔尚厭一瓢喧重負寧所屑降衷均義稟汨利安智決
得隴又望蜀有齊安片薛干戈蠻幾觸宇宙日流血魯連蹈東海
夷叔采薇蕨至今陽城山衡華兩邱垤古人不可作百念肝肺熱
浩歌北風前悠悠送孤月

古意

劉邴

庭前有桂樹綠葉何離披秋風動地起飄落將安歸高飛入青雲
下飛落汗泥貴賤既偶爾孰為喜與悲
秋江有芙蓉顏色好鮮潔褰裳欲采折水深不可涉嚴風下飛霜
芳艷空彫歇悵望一長嘆臨川無桂楫

懷長源

劉邴

涼月夜如水秋風吹紫蘭獨居悵無聊佳人阻河山
山邈千里相望何時已雲橫雁影沈露下蟲聲起
烽火照中州西南殺氣浮君居劉山下果若向時
不人生有離別但惜知音絕匣內臥青蛇光芒射
秋月泮水碧參差葉飛空樹枝如何相憶處還值
暮秋時

送雷伯威

劉祁

朔風起天末落木鳴空山冰霜正凝沍游子百里
還出郭送將別徘徊上高原如何睽離情對此芳
歲蘭壯士志四方不須涕洟瀾人生非山海會面
亦不難願子崇明德餘功振文翰長因東南鴻惠
我金玉言

觀主人植槐

李冶

主人有佳樹移植庭之隅繁柯雖翦去不敢觸根
株朝甃復夕灌乳井幾成枯諷諷角弓詩古人能
起予愛樹尚如此愛士當何如

南山有高樹

林景熙

南山有高樹寒烏夜繞之驚秋啼眇眇風撓無靈
枝託身未得所

振羽將逝茲高飛犯霜露低飛觸茅茨乾坤豈不
容顧影空自疑徘徊向殘月欲隨已復支

僊臺

劉因

碣石來海際西南奄全燕中有學僊臺燕平欲升
天燕平骨已朽遺臺猶相傳雖復生青松歲久摧
為煙極目望海波不見三山巔三山巨鼇簪山
人蟻蝨然使無不足論信有亦可憐大塊如洪鑪
金石能久堅天地會有盡何物為神仙空山無笙
鶴落日下飢鶩今古非一臺浩嘆秋風前

黃金臺

劉因

燕山不改色易水無新聲誰知數尺臺中有萬古
情區區後世人猶愛黃金名黃金亦何物能為賢
重輕德輝照九仞鳳鳥纒一鳴伊誰腐鼠棄坐見
飢鶩爭周道日東漸二老皆西行養民以致賢
王業自此成黃金與山平不救兵縱橫落日下荒
臺山水有餘清

馮瀛王吟詩臺

劉因

林壑少佳色風雷有清秋爲問北山靈吟臺何久留時危亦常事
人生足良謀不有撥亂功當乘浮海舟飄飄扶搖子脫屣雲臺游
每聞一朝革尙作數日愁朝廷乃自樂山林爲誰憂視彼昂昂駒
奈此汎汎鷗四維旣不張三綱遂橫流坐令蚩蚩民謂茲聖與儔
蚩蚩尙可恕儒臣豈無尤不有歐馬筆孰能回萬牛太行千里來
瀟灑橫中州今朝此登臨孤懷漲巖幽何當劇疊嶂一洗它山羞

西山

劉因

西山澹無姿中有羲皇前翻思太古人事業何不傳三墳亦何罪
世遠成灰煙紛紛後來人暮死爭朝妍勳名史一策學術文千篇
古人豈不然後有無窮年惟餘方寸心天地相後先

晨起書事

丁丑五月十八日

劉因

蒼星慧明河三月麗朱方兩月忽散落一月留中央下有五星連
西近東少張仰面東北隅流星墜彩芒誰令月有瘦飄搖及吾窗
須臾日東生有星環四旁一星當日中佇視搖晶光自北忽西旋

老陽已榆桑西北雲一絲翠暈揚清芳嫵雲生碧蘚得句聲琅琅
俄見雲有魚其大丈許長火繩紛繞之昂然欲飛揚呼友與共觀
此境已茫茫雲樞夢爲病周官夢爲祥寤言札諸闔痛俟知者詳

種松

劉因

萬牛來邱山大厦高崔嵬當年誰苦心遺此千歲材手持百松子
與之俱傾頽殷勤囑造物爲護荒山隈今來見毫末喜溢蒼煙堆
十年望根立百年排風雷自此千萬年再見明堂開東家十年計
戢戢千頭栽豈不早有望求此良悠哉

翟節婦詩

劉因

昔金源氏之南遷也河朔土崩天理蕩然人紀爲之大擾誰復維
持之者而易之西山乃有婦人曰翟氏年二十餘其夫從軍死於
所事出入兵刃往復數百里晝伏夜行以其尸歸負土而葬之旣
葬自以早寡無子遭時如此思以義自完乃自決於墓側隣里救
而復蘇終始一節今八十餘年矣夫人心之極有世變之所不能

奪者於此亦可以見之子聞之爲作是詩俾其外孫田馨刻之石
或百世之下有望燕山而歌子詩者使翟之風節凜然如在亦庶
幾乎吳人河女之章焉

兵塵浩然際烈士難自全婦人無九首志欲不二天燕山翟氏女
既嫁夫防邊一朝聞死事健婦增慨然生有如此夫早寡非所憐
求尸白刃中負土家山前事去哀益深義盡身可捐無兒欲何爲
所依惟黃泉鄉隣救引決烈日丹衷懸誰辦節孝翁重賦睢陽賢
我昨過其鄉山水猶清妍聞風髮如竹飄蕭動疎煙千年吟詩臺
峩峩太靈顛爲招馮太師和我節婦篇太靈山有馮道吟詩臺距翟居甫數十里

寄蕭徵君惟斗

秦中幽勝地迺在終南山磐石負磊磊清泉散潺潺侃侃古君子
疊疊泉石間圖史紛坐隅衡門晝長關種菊餐落英襲芳佩秋蘭
道映德充符怡然有餘歡鳴鶴時一來似愛孤雲閒孤雲不能飛
鳴鶴遂空還澱澱桃李艷鬱鬱松柏寒羲和駛春輝歲晏霜露繁

盧摯

感物有深儆懷哉邈難攀

姚嗣輝南禮堂

彼禮有土性生植惟峨峨欒欒干雲姿才與樗散隣匠石過不睨
煬夫取蒸薪所貴故山樹寧計世莫珍一別十畝陰清溪俄幾春
筆名堂楣上如對故鄉親請事小弁詩桑梓亦惟寅盛德古自卑
木惡何關人不見樗里疾智囊終相秦君才負棟柱未許溝斷均
無以禮自期上孤明堂晨

姚燧

蔚州元氏怡齋

苟宗道

八元乃八龍疑若瓊樹林難兄復難弟感激恩義深室家宛相好
如鼓瑟與琴翩翩鴻雁行鏘鏘鸞鳳音二王一品題價重雙南金
終當仕虞朝藹然列華簪要在風俗淳不異古與今他人有兄弟
聚散如飛禽闔牆不相聞干戈日相尋尺布斗粟謠行路爲傷心
棠棣廢已久角弓義湮沉因書怡齋詩以爲友于箴蔚州元氏兄弟而文義居無間言故勝其所居之室曰怡齋諸名公皆有詩西溪秋澗其首倡也

古風

趙孟頫

詩亡春秋作仲尼蓋苦心空言恐難託指事著以深大義炳如日
 萬古仰照臨鳳鳥久不至楚狂乃知音愁來不得語起坐彈吾琴
 周衰有戰國紛紛極荆榛黃金聘辯士駟馬迎從人朝為刻骨讎
 暮作敵血親終然志力屈奉身俱入秦
 相如賦大人出語頗可怪飄然凌雲意過耳誠一快誇言入無際
 自覺塵俗隘安知翻成勸何用名為戒
 自有天地來蓬萊幾清淺人生空高首舉世誰得見瑤臺在何許
 渺渺煙波遠方舟不可渡使我空展轉
 絕代有佳人被服綺與緞蛾眉秀聯娟吐詞馥若蘭清歌啟皓齒
 瑤琴發哀彈一彈再三嘆聽者涕洟瀾借問誰家子為言本邯鄲
 秋風吹庭樹故葉紛已墜明月耿夜長草蟲促經緯四序苦不淹
 少壯何足貴展轉復展轉寤寐不能寐昔為閨中秀今作市門鄙
 豈無膏與沐甘心得憔悴

山深多悲風日暮愁我心玄雲降寒雨松柏自哀吟人生百年後
 奄然閱重陰念此每不樂天路何由尋仙人僊佺輩消遙在青岑
 奈何不爾思委命重黃金

海中有奇樹粲粲珊瑚枝由來植物性無物可推移如何石氏子
 樹之白玉墀洛陽經幾戰金谷久荒夷徒令千載下聞者為傷悲
 烈風號枯條落葉滿周道原野何蕭索川流亦浩浩離苦日以遠
 懷思令人老功名會有時生世苦不早顧瞻靡所騁憂心愁如擣
 浮雲何方來不知竟安之飄颻隨風去汗漫以為期自昔功名士
 往往事驅馳白駒空谷中誰能加繫維皎皎難見容翻受世妍媸
 虛名誠無益不見斗與箕

逸民詩

趙孟頫

驅車秣騶馬吾將適齊國聞有魯連子倜儻好奇畫一談秦師走
 再說聊城拔功成不受賞高舉振六翮布衣終其身豈復為世役
 茫茫千載遠安往訪遺跡躊躇東海上向風長太息

四時相代謝榮耀安足恃瓜田引新蔓不見桃與李知士解其會
遇坎當復止邵生故秦吏乃亦睹茲理賢哉感我懷三嘆不能已
子真初亦仕歲晚乃逃之區區南昌尉上疏忘其卑忠言不見用
耿耿當告誰飄然棄妻子終身與世辭抱關甘貧賤所遺莫我知
至今九江濱清風激羣黎神仙信茫昧此士獨不疑孤雲無所在
逝水何時歸遐思一矯首悵望無由期
悠悠空山雲泱泱長江流廊廟竟不屑山澤聊淹留故人在天位
高步追巢由豈曰子無衣辛苦被羊裘東京多節義之子乃其尤
窮居雖獨善輔世豈不優
汪汪千頃陂不為人濁清道周言行表蕩然無得名誰言牛醫兒
乃是人中英當時無間言後世流德聲思之不可見使我鄙吝萌
涓風久已濟此意豈復存時無君子者雖賢寧見稱
南州有高士食力事耕稼優游聊卒歲不矯亦不隘大木行欲顛
縛纏豈足賴何爲諸老翁栖栖不皇舍斯其非無見明哲自高邁

誰能懸一榻待子來稅駕

鹿門何亭亭不有避世賢鳳雛隱中林臥龍蟠其淵一朝起高翔
斯人獨深潛功名不可爲我志久已安一聞耆舊傳使我心悠然
黃鵠羽翼長一舉思千里幼安本中原乘槎走東海舉世方尙同
遠引存吾志高風流異俗敦禮化鄰鄙子魚平生友胡乃不相委
塵事非所便田園久見招歸來三徑中蔚蔚長蓬蒿雖有荷鋤倦
濁酒且陶陶茫茫大化中委運將焉逃唐虞去已遠由來非一朝
粲粲霜中菊采采思其勞

有所思

趙孟頫

思與君別來幾見夫容花盈盈隔秋水若在天一涯欲涉不可去
茫茫足煙霧汀州多芳草何以采蘅杜青鳥翔雲間錦書何時還
君心雖匪石祇恐彫朱顏朱顏不可再那能不惆悵何如雙翡翠
飛去蘭苕上

雜詩

趙孟頫

四時更代謝物化常隨之春華曾幾何歲月忽如茲嚴風動高樹
百草俱已衰人生況有役憂患乃其宜棄捐勿復念出入由化機
安得松喬術邈焉世相違

知非堂夜坐

何中

前池荷葉深微涼坐來爽人歸一犬吠月上百蟲響余非洽隱淪
隙地成偃仰林端斗柄斜撫心獨悽愴

擬古次韻

安熙

鬱鬱巖下柏青青水中蒲巖前有幽人壯歲常獨居獨居亦何爲
不羨春華敷十年掩關臥門庭盡荒蕪美人殊不來日夕聽軒車
零零白露下巖谷悴芳蘭蘭悴不復辭誰與念時艱堅冰行復至
雪深路漫漫愁絕將奈何撫几一長歎
中州有寒士塊然守空堂清貧久有信壯懷殊未央豈不願馳騁
冒雪凌風霜振策萬里途超忽追鵬翔永念同懷人渺在天一方
悵望不可見慷慨發清商獨處誰晤語百感摧衷腸人生信難必

且莫徒悲傷

采柏空巖下倚竹荒庭前人生非金石君心詎能堅君心或有渝
賤妾終不疏天地一瞬息今古一長途借問離別苦君心竟焉如
不見園中樹日日爭華敷秋風一夕至已逐嚴霜枯歲晚不得去
山空難久居

崑崙一何高出此無窮河遙遙何所往不啻萬里多一意在朝東
日夕無停波遠游計不早壯志成蹉跎夫君不我顧鬱鬱將如何
覽物悟物變端居閱年華興來展遐眺緩步空山阿四顧渺塵世
杉柏紛森羅吾樂誠何極憂子獨長嗟眷焉誰晤語一笑空煙蘿
人生有定分所貴能樂天自輕失所守欲進安敢前思君重思君
此情誰與宣舉頭見明月顧影徒自憐終當謝塵世洗心聞澗泉

榆林對月

虞集

日落次榆林東望待月出大星何煜煜芒角在昂畢草樹風不起
蛩蜩絕啁啾天高露如霜客子衣盡白羸驂斷餘棧嫠婦泣空室

行吟毛骨寒坐見河漢沒驛人趣晨征瞳瞳曉光發

月出古城東

虞集

月出古城東海氣浮空濛車騎各已息宮闕何穹窿牧馬草上露吹笳沙際風帳中忽聞雁傳令鼓雕弓

寄題周氏水木清華亭

虞集

中流汎蘭棹望彼嘉樹林落日蕩野水浮雲生夕陰魚游戀芳藻鳥鳴在幽岑為樂恐易老吾將脫朝簪

趙千里出峽圖

虞集

巨舟臨峽口眾工志如一各以所操濟雖危萬無失所憂至平曠玩肆生縱逸毋俾持釣翁倚岸三太息

出直次韻

虞集

月下白玉階露生黃金井疏條栖鵲寒衰蕙流螢冷戀闕感時康懷歸覺宵永晨鐘禁中來白髮聊自整

夜直賦得金鴨燒香

虞集

黃金鑄為鴨焚蘭夕殿中窈窕帶斜月逶迤動微風綺席列珠樹華鐙連玉虹無眠待顧問不知清夜終

寄題新治亭

虞集

窈窕治亭暮蕭條江南秋汎覽山河外張樂鳳凰邱公子飛翠蓋美人回綵舟從茲至黃髮樂哉以忘憂

滋溪書堂為蘇伯修賦

虞集

滋源恆伏流春雨川迺盈林疇廣敷潤草木俱繁榮臨深見游鯈仰喬有鳴鸞君子樂在斯齋居託令名積學抱沈默時至有攸行抽簡魯史存采詩商頌并禹穴追馬公湘江歌屈生紉蘭不盈握伐木有餘情浩然欲浮海歸歟還濯清方舟我為櫂白髮愧垂纓

讀伯庸學士止酒詩

貢奎

今晨不可出大風吹我帷陋巷泥沮如空墻雨淋漓研朱課兒書冥思解羣疑敲門童子來袖有止酒詩讀之至再三擊節喜且悲若飲以立酒揖讓陶唐時峩峩古冠裳執彼璋與圭短褐纔掩脛

藜藿空忘飢風雅久已衰作者微君誰嗟我重景仰老大將何為

泗濱堂為蓋善長賦

王結

乘槎沂河源崑崙高不極揚舲浮沅湘重華阻靈輿興言游汗漫
千里一瞬息靈氛訢吉占歲晏果何適適歸泗水濱築堂俯晴碧
優游弦誦餘燕坐儼澄寂川流映天光翔泳咸自得悠悠千載心
寥寥竟誰識

書上都學宮齋壁

馬祖常

齋居芹宮旁永日少人跡清心慕古躅簡編頗紬繹徒自傷迷民
位卑力莫及苟祿亦可羞吾將返蓬華

節婦王氏

范梈

妾年二三四始識月團圓十二學女工刺繡如鴛鴦十九嫁夫家
事姑施衿鞶夫婿良家兒世籍為王官雖聯朱紫貴不習綺與紈
過庭執詩禮開口若驚湍風儀在一時爭作玉人看天地忽降毒
摧折青琅玕回首四十春景光若流丸貞心守松柏芳性軼芝蘭

落月簾帷曙西風機杼寒沈思往昔事淚下紅闌干豪客至茅屋
舉家竄林巒入房衛病姑身犯白刃攢相向義憐釋視死色無難
親知為嘆息保社為辛酸欲與上州府為妾旌門闌妾實無所願
所願在所安婦人往從人阿母涕洟瀾送行遺之語敬順無違歡
匹偶固有時寧知憂患端辛苦蹈物變豈羨身獨完殷勤謝舊故
聞者摧肺肝

范墳詩

李朮魯翀

宋蜀郡開國公范鎮景仁諡忠文其一世盛德偉烈光著史籍人
固知之其葬在襄城汝安鄉推賢里載東坡集中甚詳襄城故隸
汝州翀來訪問故老其墳儼然故在己為野夫豪農耕為禾黍之
區矣范氏當金季猶有居墳左者自經兵燹不知所存拊事嘆閔
故為作詩以紀其槩幸在官君子知其為先賢遺壙庶有以處之
忠文峩眉英始也跡甚微堂堂薛簡肅旃隼西南飛其人古廉守
肯持菟醬歸所得一偉人天下大布衣引以賓王家光映春官闈

昭陵宋仁主前星久無輝犯諱言所難雷電每霽威雄哉鍊石手
妙補天巍巍丞相江南來雲掩扶桑暉舊德陳苦辭往往阨謗譏
諸賢抗章疏弱卒攻堅圍公力斡禹鼎正氣碎黃扉荆舒憤至骨
斥語筆自揮贈之以蕙蘭何往無芳菲時公與司馬聲諧玉琴徽
解冠挂神武甘老西山薇九寓日督督赤子將疇依兩公幸無恙
起極或庶幾嗣君元祐初痛洗前人非民望屬司馬欲遜天為鞵
帝命起公臥門久車停駢君實了吾事此外何所希清風溢寰海
不啻嚴陵磯公既晚家許道德人所腓襄城下封竈汝穎皆京圻
我來訪遺壠名姓存依稀來仍散兵燼雨雪無留霏公名在天下
豈遂薤露晞誰能禁耕牧盛事乘新機吾力不足振感嘆徒歔歔

大明宮早朝

胡寬

蓬萊拂曙色煜煜舒祥光九儀肅清蹕日月開旂常聖人握金鏡
繡袞臨玉堂咸英備雅奏圭璧輯羣方歡燕洽湛露敷恩煥龍章
謳歌罄率土豈樂逢時康典文極藻績聲烈昭前王巍巍纘鴻緒

萬年斯無疆

元文類卷三終

元文類卷四

樂府歌行

湘夫人詠

元好問

木蘭芙蓉滿芳洲白雲飛來北渚遊
千秋萬歲帝鄉遠雲來雲去空悠悠
秋風秋月沅江渡波上寒煙引輕素
九疑山高猿夜啼竹枝無聲墮殘露

西樓曲

元好問

游絲落絮春漫漫西樓曉晴花作團
樓中少婦弄瑤瑟一曲未終坐長嘆
去年與郎西入關春風浩蕩隨金鞍
今年疋馬妾東還零落芙蓉秋水寒
并刀不翦東流水湘竹年年露痕紫
海枯石爛兩鴛鴦只合雙飛便雙死
重城車馬紅塵起乾鵲無端為誰喜
鏡中獨語人不知欲插花枝淚如洗

征人怨

元好問

瀚海風煙掃易空玉關歸路幾時東
塞垣可是秋寒早一夜清霜

滿鏡中

塞上曲

元好問

平沙細草散羊牛一簇征人在戍樓忽見隴頭新雁過一時迴首望南州

梁園春

元好問

雙鳳簫聲隔綵霞宮鶯催賞玉谿花誰憐麗澤門邊柳瘦倚東風望翠華龍德宮有玉谿館麗澤燕都西明名

征夫詞

劉祁

頑陰漠漠秋天黑冷雨瀟瀟和雪滴途中騎士衣裳單半夜銜枚赴靈壁中州近歲雨雪多只因戎馬窺黃河將軍錦帳衣千襲馬上揮鞭傳令急但令飽煖度朝夕一死沙場吾不惜九重日望凱歌歸安知中路行逶迤願將舞女纏頭錦添作征人身上衣

征婦詞

劉祁

青釭熒熒照空壁綺窗月上莎雞泣良人沙塞遠從軍獨妾深閨

長太息憶初癡小嫁君時謂君不晚擁旌麾如何十載尙輿隸東屯西戍長奔馳秋風戎馬臨關路千里持矛關上去公家事急將令嚴兒女私恩那得顧恨妾不為金鞵鞞在君腰下隨風埃恨妾不為龍泉劍在君手內飛光燄慕君不得逐君行翠袖爛斑空血染君不見重瞳鳳駕遊九疑蒼梧望斷猶不歸況今沙場征戰地千人同去幾人回君回不回俱未見妾心如石那可轉

留春曲

杜瑛

絮飛冷屑龍蟠玉花隕香摧鳳銜燭批頰深林叫新綠倚闌人唱留春曲春光欲去如死灰明年暖風吹又來何如日日長相守典衣共醉花前盃殷勤留春春不住白日西馳水東去鏡中絲髮奈老何君當持盃我欲歌

楊白花

李冶

帝家迷樓春晝長紫笙吹破百花香蒲萄凝碧琥珀光燕語鶯啼空斷腸枕帷紅淚灑瀟湘玉鏡臺前添午粧茜羅緩帶雙鴛鴦胡

蝶趁雪上釵梁千里萬里雲茫茫

空村謠

楊弘道

淒風羊角轉曠野埃塵腥膏血夜為火望際光青熒頽垣俯積灰
破屋仰見星蓬蒿塞前路瓦礫堆中庭殺戮餘稚老疲羸行欲倒
問汝居空村何以供朝昏氣息僅相屬致詞難遽言往時百餘家
今日數人存頃筐長鏡隨日出樹木有皮草有根春磨沃飢火水
土仍君恩但恨誅求盡地底官吏有時猶到門

羽林行

楊果

銀鞍白馬鳴玉珂風花三月臙脂坡侍中女夫領軍子萬金買斷
青樓歌少年羽林出名字隨從武皇偏得意當時事少遊幸多御
馬御衣嘗得賜年年春水復秋山風毛雨血金蓮川歸來宴賀滿
宮醉山呼搖動東南天明昌泰和承平久北人歲獻蒲萄酒一聲
長嘯四海空繁華事往空回首懸瓠月落城上墻天子死不為降
王羽林零落祇君在白頭辛苦趨路傍腰無長劍手無槍欲語前

事涕滿裳洛陽城下歲華暮秋風秋氣傷金瘡龍門流出伊河水
北望臨潢八千里蔡州新起髑髏臺只合當年抱君死君家父兄
健如虎一旦倉皇變為鼠錦衣新貴見莫嗤得時失時令人悲

金谷行

楊奐

洛陽園池天下無金谷近在西城隅晉時花草不復見野人猶解
談齊奴齊奴豪奢誰比數酒酣愛擊珊瑚株後堂春風滿桃李中
有一枝名綠珠千金買步障百金買氍毹時時吹笛替郎語雲窗
霧戶長歡娛層階欲下須人扶豈料一日能捐軀紅飛玉碎頃刻
裏空使行客悲躊躇樓頭小婦感恩死君臣大義當何如

桃源行

劉因

六王掃地阿房起桃源與秦分一水小國寡民君所憐賦役多慙
負天子天家正朔不得知手種桃枝辨四時遺風百世尚不泯俗
無君長人熙熙漁舟載人人間世卻悔桃花露蹤跡曾聞父老說
秦強不信而今解亡國畫圖曾識武陵溪飛鴻滅沒天之西但恨

於今又千載不聞再有漁人迷

明妃曲

劉因

初聞丹青寫明眸明妃私喜六宮羞再聞北使選絕色六宮無慮
明妃愁妾身只有愁可必萬里今從漢宮出悔不別君未識時免
使君心憐玉質君心有憂在遠方但恨妾身是女郎飛鴻不解琵琶
語祇帶離愁歸故鄉故鄉休嗟妾薄命此身雖死君恩重來時
無數後宮花明日飄零成底用宮花無用妾如何傳去哀茲幽思
多君王要聽新聲譜為譜高皇猛士歌

塞翁行

劉因

塞翁少小壘上鋤塞翁老來能捕魚宋家昔日塞翁行屯田校尉
功不如西山瀛海接千里長城又見開長渠要將一水限南北笑
殺當年劉六符天教陂澤養雁鶩留與金人賦子虛我來鄉國覽
風土髮髯搥鼓笛嗚嗚曾中雲夢忽已失酒酣懷古皆平蕪昔年
阻水羣盜居塞翁子孫殺欲無至今遺老向人泣前宋監邊無遠

圖

武當野老歌

劉因

南陽武當天下稀峯巒巧避山自迷青天飛鳥不可度但見萬壑
空烟霏山不知人從太古白雲飛來天作主旌旗明滅漢陽津幾
閱東西互夷虜老人住此今百年自言三世絕人烟往事不聞宣
政後初心欲返羲皇前脯鹿為糧豹為席竹樹蒼蒼歲寒國天分
地拆保無憂怪見北風山鬼泣一聲白雁已成擒回望丹梯淚滿
襟傳語桃源休避世武陵不似武當深

燕歌行

劉因

薊門來悲風易水生寒波雲物何改色游子唱燕歌燕歌在何處
盤鬱西山阿武陽燕下都歲晚獨經過青邱遙相連風雨曠巖峩
七十齊郡邑百二秦山河學術有管樂道義無巨軻蚩蚩魚肉民
誰與休干戈往事已如此後來復如何割地更石郎曲終哀思多
白雁行

北風初起易水寒北風再起吹江干北風三吹白雁來寒氣直薄
朱崖山乾坤噫氣三百年一風掃地無留錢萬里江湖想瀟灑佇
看春水雁來還

義俠行

王惲

子爲王著作劍歌行繼更曰義俠或詢其所以因爲之解曰彼惡
貫盈禍及天下大臣當言天吏得以顯戮而著處心積慮一旦以
計殺之快則快矣終非正理夫以匹夫之微竊殺生之柄豈非暴
豪邪不謂之俠可乎然大姦大惡凡民罔不怒又以春秋法論亂
臣賊子人人得而誅之不以義與之可乎又且以游俠言古今若
是者不數人如讓之止報己私軻之劇軀無成較以此舉於尋常
萬萬也凡人臨小利害尚且顧父母念妻子慮一發不當且致後
患著之心孰謂不及此哉然所以略不顧藉者正以義激於衷而
奮捐一身爲輕爲天下除害爲重足見天之降衷仁人義士有不
得自私而已者此著之心也何以明之事既露著不去自縛詣司

敗以至臨命氣不少挫而視死如歸誠殺身成名季路仇牧死而
不悔者也故以劍歌易而爲義俠云著字子明益都人少沈毅有
膽氣輕財重義不屑小節嘗爲吏不樂去而從軍後與妖僧高比
行假干夫長歸有此舉死年二十九時至元十九年壬午歲三月
十七日丁丑夜也

君不見悲風蕭蕭易水寒荆軻西去不復還狂圖祇與螯蛛靡至
今恨骨埋秦關又不見豫讓義所激漆身吞炭人不識劇軀止酬
一己恩三刺襄衣竟何益超今冠古無與儔堂堂義烈王青州午
年辰月丁丑夜漢允策祕通神謀春坊代作魯兩觀卯魄已禡曾
夷猶袖中金鎚斬馬劍談笑馘取姦臣頭九重天子爲動色萬命
拔出顛崖幽陂陀燕血濟時雨一洗六合妖氛收丈夫百年等一
死死得其所鴻毛輜我知精誠耿不滅白虹貫日霜橫秋潮頭不
作子胥怒地下當與龍逢遊長歌落筆增慨嘆我髮豎寒颼颼
燈前山鬼忽悲獻鐵面御史君其羞是月授南臺御史故云

田家謠

五月軍回未有期，不禁烟瘴入枯脾。馬頭一骨還家日，只有弓刀似舊時。

魏初

懸瓠城歌

李材

我經懸瓠城，試作懸瓠歌。殘灰五百載，懸瓠不復我。有唐中葉失，馭將退辱進，危多詆謗淮。西孽離手指，天百萬官兵，不敢傍長安。市上晝殺人，司隸走藏魂。膽喪晉公一語破，紛紜意斷心。謀神莫抗諫，書不到雙闕。下詔檢初成，九天上煌煌。日月煥斧節，慘慘風雲動。鞬鞞殿前虓，虎神策軍愬。武通顏分玉，帳夜深雪花大。於壁懸瓠城頭血，埋仗寒威方。勁弓百鈞淨，影不搖旗十丈已。囚猥偷山更沸，再戮鯨鯢海。無浪蔡人不識緋衣兒，劍氣磨天大。丞相方城大將拜，道左犀甲金戈光。炫晃凶器狡眾五十秋，白日青天破昏障。兒童不遣避，介冑婦女爭來沽。綠釀入朝論，功有差晉公之功無與讓，英雄事往名器虛。粟斯噉，峴竟相向外藩跋扈，驕將侮中禁，深嚴嬖臣誑。山東何啻百少陽，秦苑洛陽隨板蕩。我歌懸瓠辭，歌聲頗悲壯。嗚呼唐之覆車將誰尤，後人弔古徒哀愴。懸瓠城下汝水流，懸瓠城邊牧笛唱。懸瓠歌已終，君不見豐碑野火化為土，悵望文公及晉公。

水荒子歌

鮮于樞

水荒子，日日悲歌向城市。辭危調苦不忍聞，妻孥散盡餘一身。城中米貴丐者眾，崎嶇一飽經千門。城中昔食城外米，城外今食城裏耕者漸少田。漸荒政恐明年不如此，水荒子行歌乞食良不惡。猶勝弄兵獄中死。水荒子聽我語，忍死休離去。鄉土江中風浪大如山，蛟鱷垂涎蜜貫汝路傍。暴客掠人賣性命，由他還更苦。北風吹霜水返壑，稍稍人烟動墟落。賑濟欲下逋負除，比著當年苦為樂。水荒子區區吏弊何時無，聞早還鄉事東作。

湖上曲

鮮于樞

湖邊蕩槳誰家女綠慘紅愁問無語低回忍淚並人船貪得纏頭
強歌舞玉壺美酒不消憂魚腹熊蹯棄如土陽臺夢短匆匆去鴛
鎖生寒愁日暮安得義士擲千金坐令桑濮歌行露

烈婦行

趙孟頫

至元七年冬濱州軍士劉平之戍棗陽與其妻胡俱道宿車下為
虎所得起追及之殺虎脫其夫吾聞之中原賢士大夫如此乃為
感激慷慨作烈婦行以歌之

客車何焯焯夫挽婦為推問君將安去言往棗陽戍官事有程宿
車下夜半可憐逢猛虎夫命懸虎口婦怒髮指天十步之內血相
濺夫難再得虎可前寧與夫死毋與虎生呼兒取刃力與爭虎死
夫活心始平男兒節義有如許萬歲千秋可以事明主馮婦卞莊
安足數嗚呼猛虎逢尚可寧成寧成奈何汝

沈沈行

虞集

沈沈天宇玄以黝星河如銀垂近人牛羊漫散草多露大帳中野

旁無隣去年八月羽書急婦女上馬小兒泣今年八月天子來身
屬橐鞬月中立

車簇簇行

馬祖常

李陵臺西車簇簇行人夜向灤河宿灤河美酒斗十千下馬飲者
不計錢青旗遙遙出華表滿堂醉客俱年少侑盃小女歌竹枝衣
上翠金光陸離細肋沙羊成體薦共訝高門食三縣白髮從官珥
筆行毳袍衝雨桓州城

竹枝歌

京城南栗侯玩芳亭
仲淵子方同賞牡丹

馬祖常

城南牡丹一百本翰林學士走馬來渡水楊花逐飛燕翦衣雲影
覆春臺

栗侯宅中花一園客來飲酒費金錢明朝碧樹春城合恨不江東
問酒船

玉環引

送伯庸北上

王士熙

崑山有美璞昆吾有寶刀推雪灑寒冰凝此英瓊瑤團團月長滿

鼎鼎白雲淺似環環無窮寥寥人意遠有美天山人皎潔同精神
禁垣青春多大佩垂朝紳腰無大羽箭肘有如斗印結束上京行
騶駒驟長靴不採珊瑚鈎海深安可求不執水蒼璧漢庭羅公侯
愛此玲瓏質題詩贈與客百金一朝傾三年不可得不得只空行
山泉琴峽鳴摩挲龍門石憶憶應留情天風北極高歸途踏霜草
不惜玉環分只願君還早

早朝行

王士熙

石城啼鳥翻曙光千門萬戶開未央丞相珂馬沙隄長奏章催喚
東曹郎燕山驛騎朝來到雨澤十分九州報輦金馱帛分遠行龍
沙士飽無鼓聲閣中龍牀琢白玉瑟瑟圍屏海波綠曲闌五月櫻
桃紅舜琴日日彈薰風

畫馬歌

范梈

錢君畫人勝畫馬安得名馳妙天下青雲隱約見龍文有意軒昂
駛華夏圍官山立頤而髯朱衣黑帶高帽尖問渠掌握詎有此牽

控竈知人汝嫌君不見才士受束縛往往因之縱寥廓

蘇小小歌

辛文房

東流水底西飛魚銜得錢塘紋錦書幾回錯認青驄馬著處閑乘
油壁車鸚鵡盃殘春樹暗蒲萄衾冷夜牕虛蓮子種成南北岸苦
心相望欲何如

李宮人琵琶引

揭傒斯

茫茫青冢春風裏歲歲春風吹不起傳得琵琶馬上聲古今只有
王與李李氏昔在至元中十九辭家來入宮一見世皇稱藝絕珠
歌翠舞忽如空君王豈爲紅顏惜自是它人彈不得玉觴未舉樂
未停一曲便覺千金直廣寒殿裏月流輝太液池頭花發時舊曲
半存猶解語新聲萬變總相宜三十六年猶一日長得君王賜顏
色形容漸改病相尋獨抱琵琶空歎息興聖宮中愛更深承恩始
得遂歸心時時尙被宮中召強理琵琶絃上音琵琶轉調聲轉澀
堂上慈親還佇立回看舊賜滿牀頭落花飛絮春風急

船上謠

送伯庸以番貨事奉使闕制

宋本

江華江月要才情多病堪憐馬長卿莫向都門折楊柳帝鄉春色

不南行

琉球真蠟接閩婆日本辰韓濊貊倭番船去時遺碇石年年到處

海無波

朱張死去十年過海寇彫零海賈多南風六月到岸酒花殷篙丁

奈樂何

湧金門外是西湖隄上垂楊盡姓蘇作得吳趨阿誰唱小卿墳上

露蘭枯

舊時家近黑橋街三十餘年不往來憑仗使君一問訊楊梅銀杏

幾回開予以至元廿六年出杭故君東甬隔四條巷旁有橋名黑橋居有楊梅銀杏二樹在巨井上園

閩中父老白髭鬚老子風流記得無昔日郎君騎竹馬如今使者

駕輶車伯庸之先嘗仕閩中素馨華畔十八娘炎雲瑞露酌天漿一日供厨三百顆使君館券

莫支羊

薰陸胡椒膃肭齊明珠象齒駭雞犀世間莫作珍奇看解使英雄

價盡低

東海澄清南海涼公厨海錯照壺觴郎君鯨好江瑤脆水母線明

烏賊香

明年歸路蹋陽和缺胯輕衫翦越羅春風通惠河頭路還與官家

得寶歌

元文類卷四終

元文類卷五

七言古詩

鄧州城樓

元好問

鄧州城下湍水流
鄧州城隅多古邱
隆中布衣不復見
浮雲西北空悠悠
長鯨駕空海波立
老鶴叫月蒼烟愁
自古江山感遊子
金人誰解賦登樓

弔故宮

杜瑛

月上觚稜椒壁溼
飢烏啄碎琅玕石
劫灰飛盡海揚塵
廢殿荒臺土花碧
洛陽書生汴梁客
一夜春風頭欲白
尊中賴有酒如泉
醉倚寒窗破愁寂

巨源相過話舊有感

王磐

中統三年春二月
變起青齊帶吳越
鯨鯢轉側海波翻
城郭橫尸野流血
我時辛苦賊中來
兵塵模糊眼不開
妻孥棄捐豺虎口
飛蓬飄轉無根荻
天寒日暮齊河縣
破驛荒涼絕烟爨
騎行驛馬鈍

如蛙官吏散地無處喚與君此地忽相逢行臺郎中氣勢雄閱我
白頭遭喪亂壯我臨難全孤忠急呼驛吏具鞍馬使我厄路還亨
通明晨相隨濟南去出入條侯營壘中死生契闊不相棄起居飲
食常相同標山華注日在眼綿歷春草及秋風四郊斫木桑柘盡
樂源飲馬波濤空凶渠腰領膏野草始見齊魯收烟烽巨源巨源
君且坐我欲高歌君可和往事回頭十五年猶想離魂招楚些身
逢喪亂百憂纏生不成名空老大我依破硯竊恩榮君佐雄藩收
最謀流萍翹聚不吉時且喜相看顏一破我衰無力訪君難願君
相暇頻相過

有懷梁仲經父

楊 奐

美人熒熒在何處海闊天低隔烟霧珊瑚零落芙蓉空咫尺相望
迷去路翠輦金輿雙鳳凰風吹環佩聲琅琅壺觴狼籍事已往一
日萬里愁茫茫劉郎竟是誰家客歲晚霜華林葉赤美人熒熒在
何處鳴綠江頭江月白

金太子允恭墨竹

劉 因

黑龍江頭氣鬱葱武元射龍江水中江聲怒號久不瀉破墨揮灑
餘神功天人與竹皆真龍墨竹以來凡馬空人間只有墨君堂何
曾夢到瓊華宮瑤光樓前月如練倒影自有河山雄金源大定始
全盛時以漢文當世宗興陵為父明昌子樂事孰與東宮同文采
不隨焦土盡風節直與幽蘭崇百年圖籍有蕭相一代英雄誰蔡
公策書紛紛少顏色空山夜哭遺山翁我亦飄零感白髮哀歌對
此吟雙蓬秋聲瀟瀟來晚風極目海角天無窮黑龍江見金史劉
亡張蔡公以金實錄歸遣山嘗就公謄錄此軸亦公得
于汴之中祀者公之子仲仁持以求子詩故終篇及之

金太子允恭唐人馬

劉 因

道人神駿心所憐天人龍種畫亦然房星流光忽當眼徑欲攬轡
秋風前漢家金粟幾蒼烟江都筆勢猶翩翩東丹獵騎自豪貴風
氣惜有遼東偏天人秀發長白山畫圖省識開元年金源馬坊全
盛日四十萬匹如秦川天教劫火留此幅玉花浮動青連錢英靈

無復汗石馬悲鳴真似泣金僊只今回首望甘泉汾州繁華雁影
邊奇探竟隨轍跡盡兀坐宛在驛驢先人間若有穆天子我詩當
作祈招篇

陳氏莊

劉因

陳氏園林千戶封晴樓水閣圍春風翠華當年此駐蹕太平天子
長楊宮浮雲南去繁華歇回首梁園亦灰滅淵明亂後獨歸來欲
傳龍山想愁絕今我獨行尋故基前日家僮白髮垂相看不用吞
聲哭試賦宗周黍離離陳氏先父之外家也金章宗每出獵必
宿其家淵明謂先父龍山指孟嘉事

渡白溝

劉因

東北天高連海嶼太行蟠蟠如怒虎一聲霜雁界河秋感慨孤懷
幾千古只知南北限長江誰割鴻溝來此處三關南下望風雲萬
里長風見高舉萊公灑落近雄才顯德千年亦英主謀臣史君強
解事枉著渠頭汗吾鼓十年鐵硯自庸奴五載兒皇安足數當時
一失榆關路便覺燕雲非我土更從晚唐望沙陀自此橫流穿一

縷誰知江北杜鵑來正見海東青鳥去漁陽搗鼓鳴地中鷓鴣飛
滿梁園樹黃雲白草西樓暮木葉山頭幾風雨只應漠漠黃龍府
比似愁岡更愁苦天教遺壘說向人凍雨頑雲結淒楚古稱幽燕
多義烈嗚咽泉聲瀉餘怒仰天大笑東風來雲放殘陽指歸渡

宋徽宗賜周準人馬圖

劉因

筆底金鞍有蕭爽誰云不博降王長汴梁門外若雲屯畫本相看
應自賞十載青衣夢故都經營慘淡欲何如只除金粟呼風鳥曾
見昭陵鐵馬趨

宋理宗書宮扇

劉因

杭州宮扇二好事者得之燕市一畫雪夜泛舟一畫二色菊理宗
題其背有興盡爲期及晚節寒香之句諸公賦詩予亦同作
天津月明啼杜鵑梁園春色凝寒烟傷心莫說靖康前吳山又到
繁華年繁華幾時春已換千秋萬古合歡扇銅雀香消見墨痕秋
去秋來幾恩怨一聲白雁更西風冠蓋散爲烟霧空百錢鞵錦天

留在禍胎要鑿驪山宮當時夢裏金銀闕百子樓前無六月瓊枝
秀發後庭春珠簾晴捲天門雪棹歌一曲白雲秋不覺金人淚暗
流乾坤幾度青城月扇影無情也解愁五雲回首燕山北燕山雪
花大如席雪花漫漫冰峩峩大風起兮奈爾何

登金荆軻山

劉因

兩山巉巖插天色中有萬斛江聲哀人言此地荆軻館尙餘廢壘
山之隈太子西來函關開誰信生兒爲禍胎筆頭斷取江山去已
覺全燕如死灰馬遷尙俠非史才淵明憤世傷幽懷春秋盜例久
不舉紫陽老筆生風雷遺臺古樹空崔嵬平蕪落日寒烟堆紛紛
此世亦良苦今古燕秦經幾回憂來徑欲浮蓬萊安得魯連同一
盃碣石東頭喚羨門六鼇戴我三山來

幼安濯足圖

劉因

漢家無復雲臺功生平不識大耳公眼中天意鏡中語此身只有
扁舟東關東諸公亦英雄百年能辦山陽封歸來老柏號秋風世

路悠悠七十翁乾坤故物兩足在霜海浮雲空復空無刀可斷華
太尉有死不爲丕太中丹青白帽凜冰雪高山目送冥飛鴻爲問
蘇家好兄弟萬古北海誰真龍

長公愛文舉次公愛幼安蓋氣質各以類云

歸去來圖

劉因

淵明豪氣昔未除翱翔八表凌天衢歸來荒徑手自鋤草中恐生
劉寄奴中年欲與夷皓俱晚節樂地歸唐虞平生磊磊一物無停
雲懷人早所圖有酒今與龐通沽眼中之人不可呼哀歌撫卷聲
嗚嗚

淵明歸來圖

盧摯

留侯晚歲游赤松武侯早歲稱臥龍
秦扶漢聲隆隆淵明初非避俗翁
兩侯大節將無同陽秋特書晉甲子
辭鋒時露長沙雄王弘何幸奉吾足
督郵能芥平生習門前五柳春濛濛
落絮不與江波東環堵蕭然吾未窮
北牕儘有羲皇風畫圖不盡千古意
詩成一笑浮雲空

淵明歸來圖

尚野

羲皇上人鄉里兒田園將蕪非所思楚聲雖託絕怨懟高情千古
歸來辭歸來忽復河山移忠憤意切語益微白雲遙遙望不極東
籬舊菊西山微夷齊奚疑怨耶非况乃貌此遺世委文行圭璧照
方冊飄然髮鬢空同時子雲擬聖諸儒譏法言美新吾誰欺考亭
夫子春秋筆昭然晉室日星垂

過黃陵廟

李材

黃陵廟前湘水綠天寒漁郎唱巴曲沙棠舟上月蒼蒼翠蛟白蜃
江茫茫似聞清愁五十柱萬里鴻飛楓葉暮神鴉翻舞祠門開珠
裳玉袖霑莓苔玄猿晝啼薜蘿影赤鱗夜去芙蓉冷北渚淚痕斑
竹紋南風哀思蒼梧雲山頭古桂秋露碧山下江流豈終極荒涼
榻車雜杜蘅靈風自吹煙霧旌輕帆晚向芳洲泊聊薦蘋羞奠蘭
酌沅有汜兮湘有沱洞庭木落生層波裴回獨詠騷人歌

金人出塞圖

虞集

海風吹沙如捲濤高為陔磧深為壕築壘其上嚴周遭名王專居
氣振豪肉食漣飲田為遨八月草白雲颼颼馬食草實輕骨毛加
弦試弓復置橐今日不樂心怪怪什什伍伍呼其曹銀黃兔鶻明
繡袍鷓鴣小管隨鳴靴背孤向虛出北皋海東之鷲王不騎錦鞞
金鏃紅絨條按習久蓄思一超是時晶清天翳絕駕鷲東來雲帖
帖去地萬仞天一瞥離婁屬望目力竭微如聞音鷲一掣束身直
上不回折遂使孤飛一片雪頃刻平蕪洒毛血爭誇得雋頓足悅
旌旗先歸向城闕落日悲風起蕭屑烟塵滿城鼓微咽大酋要王
具甘歡王亦欣然沃焦熱闕支出迎騎小馱琵琶兩姬紅顏頰舞
歌迭進醉燭滅穹廬斜轉斃鮓月

董元夏景山口待渡圖

虞集

董元夏山何可得嘉木千章鐵作畫層巒總含雨氣潤百谷正受
川光溢犬牙洲渚善泝洞滄江散落碣石開山田何處無耕鑿尋
源不得還徘徊柳下行人將有適臨流不度心為惻我楫孔堅舟

孔安奉子以濟諒非難

送孟修兄南歸

虞集

老兄五月來作客八年不見頭總白五人兄弟四人在每憶中郎
淚霑臆我家蜀西忠孝門無田無宅惟書存兄雖筮庫實父蔭弟
竊餘澤承君恩文章不如仲氏好叔氏最小今亦老五郎十歲未
知學嗟我胡為長遠道諸兒讀書俱不多又不力耕知奈何憂來
唯得二三友看花把酒臨風歌蜀山嵯峨歸未得盤盤先隴臨川
側碧梧翠竹手自移應與青松各千尺南風吹雪河始冰兄歸烏
帽何震震明年乞身向天子共讀父書歌太平

寄鄉友

馬祖常

河邊老父念我出遠寄京華書一行謂言白髮今多少又報南園
竹樹荒門前石田秔秫熟犢子新生走如鹿莫戀官家有俸錢長
年作客身如束

送蘇公赴嶺北行省郎中

王士熙

居庸關頭亂山積李陵臺西白沙磧畫省郎官貂帽側飛雪皚皚
馬韉溼馬蹄雪深遲遲行冷月悽雲塞垣明鐵甲無光烽不驚萬
營角聲如水平明年四月新草生征人賣劍隴頭耕思君遙遙隔
高城南風城樓來雁鳴

萬竹亭

范梈

誰能買山種萬竹殘年請老住巴蜀結亭更在竹中間四面雲谿
寫山麓風敲最覺夜眠清雨洗賸延秋望綠日吟不限三千字日
飲定須過百斛隴西仙翁持斧客散馬涼城行新菊為言令弟隱
滄江如此風流天下獨乃家正在蠶茨野東琅玕繞茅屋方知
白眼待時人箕踞科頭自為俗是邦子雲劇博雅閉門草玄食漢
祿多緣未識此君心往事微瑕傷白玉使君自是廊廟具方駕前
修詎為辱平生抱負勁直節日暮天寒照空谷始我瞻望望不及
終我嘆嗟嗟不足乞官倘或從西遊向子亭邊祝黃鵠

滋溪書堂

謝端

趙之川滹浸洑易恆濇泚洑各異出惟滋有溪亦是匹或伏或見
乃不容不能百里滹是從混混千里俱朝宗子曩涉河觀湖江蹕
雲蕩日怒擊撞歸視子滋嶺之龍是滋名楊子所始有田有廬水
之淡有堂三楹庫非侈中經子史堂右左高曾遺子以自課子迺
善繼志不惰蒐今撫古抉怪奇泓涵演地吐為辭副墨往往傳京
師籛金青紫世所取滋溪有源子有後斯堂斯書可世守

雜言

觀雷溪

劉因

飛狐天下脊老氣盤互回三江瀉天怒合為一水東南來此勢不
殺令人愁石門喜見西山開未補青天裂誰鑿渾沌胎奇聲猛狀
萬萬古山根幾許猶崔嵬兩山倒傾瀾百丈逢顛崖先聲動毛髮
餘爽開襟懷初疑萬壑轉奔石意像髣髴坤軸摧又疑鼓角鳴地
中百步未到仍徘徊荒祠下石磴駭目何雄哉春風不到太古雪
今日仍得胷中雷穿石誰能窮窟宅流沫勢欲浮蓬萊平生芥蒂

今寒灰兩耳到骨無纖埃酈元筆頭天下水石頭之奇猶見推乃
知茲游亦奇絕快弄素霓噴瓊瑰東崖一片石坐拂千年苔為招
郎山君共捲長鯨盃江如爲搗靈鼓催赤鯁躍出銀山堆先生醉
來泉灑面狂歌一和湍聲哀

游郎山

劉因

昨日山東州馬耳索御凌風嘶今日軍市中不覺已落山之西山
之面背一無異不待風烟變化神已迷危關度雪嶺亂石通荒蹊
林間小草不識風日自太古我行終日仰羨木杪幽禽啼但見雨
色來雲物颯以淒忽然長嘯得石頂痛快如御駿馬蹄萬里來長
風五色開晴霓長劍倚天立皎潔瑩鷗鵝平地拔起不傾側物外
想有神物提詩家舊品嵩少同畫圖省見巫山低誰令九華名獨
與八桂齊千態萬狀天不知敢以兩目窮端倪騫騰誰避若飛隼
側瞰何屈如怒猊千年落窮邊烟草寒萋萋若非酈亭書生此鄉
國物色誰省曾分題

元文真卷五

七

會有待豈有江山如此不著幽人棲頗聞山中人雲間時聞犬與
雞只疑名山別有靈境在不許塵世窮攀躋不是元生南游有成
約徑欲共把白雲犁九疑窺衡湘禹穴深會稽下并爛賞金芙蓉
日觀倒捲青玻瓈風烟回首莫瀟灑南游準擬相招攜

岳陽樓

張經

巴陵形勝甲天下郡治西南有樓曰岳陽盡得巴陵之勝至元丙
戌余以監察御史按臨長沙道出巴陵凡一往返不暇一登甲午
夏備員湖北憲司分司于辰始得以酬平昔之志噫湖山如此造
物者何其靳邪因留數語以識歲月云
洞庭一水七百里烟朝月夕皆經過豈知斜陽萬里更有一佳處
君山十二盤青螺乾坤有此樓萬古高嵯峨憶昨長江咫尺限南
北風霜晝夜一日千摩挲今朝快一登恍若驅沈痾生平所羨鑑
湖請乃今更覺君恩多湘靈也似知我至時令白鳥來婆娑鐵笛
紫荆曲春草黃陵歌江山一醉謾不省悲風落日生白波愛山愛

水亦非癖奈此日月如飛梭彭蠡銀山堆碧海青銅磨武昌雲間
嘆黃鶴采石天外愁青娥詩家割據幾今古元氣發泄天不訶扁
舟歸來月一蓑仙槎已候三山阿吾欲乘興觀銀河

題丁氏松澗圖

鄧文原

天目之峯凌紫烟下周林壑紆長川清池斗絕涵倒影神運直自
疏鑿先彼美幽貞廬閒房曲奧辛夷荃蒼官手植經幾年靈虬天
矯今參天門前朝流暮流水但聞激石瀉瀨鳴濺濺山人養真衡
茅下有書可讀琴可絃意行清澗曲長嘯松風前山月出林高溪
花弄春妍仙人欲來夜將半天空鶴唳山淒然飈塵大笑狂馳子
口誦丹訣傳真玄我欲從之結隣屋得疏藥圃謀芝田

留別金門知己

李洞

我本山人素志邱壑獲歸名山為願畢矣爰以四月十一日離京
師是夜抵潞陽慨然賦詩遙慰匡廬隱者併以寄金門諸公為一
噓云

野馬脫羈鞅倏疑天地寬臨風一長鳴風吹散入青冥間頗如魯
仲連蹈海不復還又如安期生長留一鳥令人看江南浩蕩忽如
海落日照耀浮雲關既不能低眉伏氣摧心顏詭遇特達驚冥頑
又不能抱書挾策千萬乘調笑日月相迴盤匡廬迢迢接山山仙
翁泛若秋雲閑長松之陰引孤鶴望我不見空長歎采鉛天池津
飲淥桃花灣蒼梧倒影三湘寒赤城霞氣生微瀾鯨鯢翻空海波
赤曉色欲上扶桑難人間之樂兮誠不足恃何如歸臥棲巖巒棲
巖巒臥巖穴夜半天風吹酒醒猶有西溪萬年月

先天觀

范梈

學仙之人與山爲徒往往在台廬之奧湖江之區張公鍊丹作龍
虎丹成御氣游六虛後來出者絕代無復有逸人住玄都玄都之
壇角井孤上摩萬里之黃鶴下伏千尺之飢鼯陰森檜筠自太古
斬種力與開闢俱博桑朝日挂絕壁坐見觀閣青模糊孽厓控弦
寫哀壑秋春雲露之田腴我亦人間山澤驪偶陪時龍賓唐虞有

雜體

入安南絕不作詩清明感事集句

陳孚

十里宜春下苑花五年寒食住京華自憐慣識金蓮燭奉使虛隨
八月槎

回首扶桑銅柱標芙蓉帳暖度春宵清明寒食誰家哭折戟沈沙
鐵未消

水流花謝兩無情獨上高樓望帝京閑憶金明池上路人生看得
幾清明

江東行客思悠哉不盡長江滾滾來寒食清明都過了鷓鴣飛上
越王臺

台州城闕海冥冥人踏金鼇背上行獨在異鄉爲異客無花無酒

過清明慈母年高鶴髮垂鄉書無雁到家遲初過寒食一百六一日思親

十二時昔藉梨花作寒食孟光舉案與眉齊越裳翡翠無消息夜合花前

日又西寒食家家出古城滿川風雨看潮生八千里外飄零客起向朱櫻

樹下行一百五日寒食雨風光別我苦吟身尙書氣與秋天杳同是天涯

淪落人海上乘槎上紫氛清明時節雨紛紛虎牙銅柱皆傾側水盡天南

不見雲遠遊聯句王寅冬與伯長同留袁 袁

海鵬跨南雲一去挾浩蕩宛駒踏北雪絕足追罔象宵征車載脂

柳明發燈在幌行邁念悄悄離愁懷養違吳始按浙真過越猶

指掌虹網結長思羯鼓促新響觴至不復辭柳駕逸誰能彷彿明堂

企棟梁武庫須篠簜材同瑚璉英真學媿蓬麻長大施朱弦清小

薦金莖沆雲間鶴孤唳柳天外鴻橫上曉舫斫輕冰午店憩平壤

追攀瞰烟濤真涉歷走塵鞅清淮橋蟬薄霧裘驕駛風臺牛一

鳴柳日觀雞三唱團桑沃如蓋宿草亂若緹青帘客沽酒真素鬣

漁收網心觀洙泗流眼豁恆岱爽追程騎侵雲柳勸耕農植杖俗

厚喜豐登氣俠存慨慷伊河既東流真維斗復北仰誰云風土殊

始覺宇宙廣骨聳終超騰神清誰儻悅鈞天夢豈真柳廣寒步空

想銖衣入閭闔芥粒視北垓千官紫府榮九奏彤庭暢摛文翦金

炬真展案簇天仗清都踰咫尺弱水謾方丈絳旗雲霧開寶扇日

月晃仁聲被八表柳德意昭羣枉泥檢極封崇芬餽嚴肅蠻瑞氣

藹重重泰階瞻兩兩馳峯出天厨真襄蹠錫中帑鳴珂接俊彥正

笏遠偏黨德人笑采芝遁客棄拾橡茅拔要有方柳矢來本無響

元文類卷五
湘纍但環詞越相僅金像遭讒氣徒憤得計身何往豈如及承平
相與窮昭朗君行步飄飄我帶心悒快輕霜著裘帽哀微雪留草
莽離歌出蒹葭古製卻益益先登匪一獲後至激孤獎城南燈火
深梅塞北音書駐春風漸披拂臘水將滉養詩成愈加險酒盡未
為彊雙眸秋水炯哀累語春波盪經行度崎危交友希儻羈遊
棄楚荒遠客憐齊信光陰尺璧重梅事業千金賞行還雁塔題復
觀鴻都榜時來戒步窘事至勿技癢脂韋本凡近哀鐵石乃忠讜
詞林納疵美書田計荒穰列仙會儒癯羣仕趨吏駟陸生強伊嘯
陶令終翫麟清心百壬避正色上帝饗徒為捧心施莫學畫眉傲
功名要無心造物端有相行行遂初志操持記疇曩梅

元文類卷五終

元文類卷六

五言律詩

春思

張澄

一春常作客連日苦多風野樹淒迷綠簷花暗澹紅愁隨詩卷積
囊與酒樽空巢燕如相識頻來草舍中

觀物

許衡

萬物備吾身身貧道未貧觀時見物理主敬得天真心爽星辰夜
情忻草木春自憐斷喪後能作太平人

趙氏南莊

許衡

曉起北窗涼清談戢羽觴入簾花氣重落地燕泥香夢裏青山好
吟邊白日長秋風載書籍相對築茅堂

晚上易臺

劉因

遺臺連廢壘落日展遙岑海嶺天東北燕遼世古今每當多感慨
直欲罷登臨莫更留塵跡千年不易禁

登武陽城

劉因

朝遊樊子館晚上武陽城潮接滄溟近山從碣石生斷虹雲淡白
返照雨疎明且莫悲吟發樵歌已愴情

雜詩

劉因

堯山唐故國淳朴帶遺蹤種果收奴力開田享素封採收多上藥
景仰近神峯夢寐驅黃犢巖居二老農
聞昔蜚狐口奇兵入擣虛人才九州外天道百年餘草木皆成騎
衣冠盡化魚遺民心膽破諱說戰爭初
冀北高寒境英靈海岳全斯文若程邵家世亦幽燕祀典今誰舉
遺經會有傳吾鄉此盛事瞻仰在他年
關嶺通山後風謠采路傍地寒人好壽草淺畜宜羊用水如奴婢
從川貯米糧西風如有約乘興即吾鄉
何事招提好山深馬可驅松巢低曠帽竹溜細通廚霜粟千封戶
雲屏四畫圖冠巾如用我白鹿起規模

巖居訪高道少日在風塵回首話前事低眉厭此身江山資寇盜

田畝化荆榛領取天倫重無君愁殺人

水繞千山合雲藏數畝荒初尋香有陣漸入翠成行豚奔依危石

牛蹊帶小塘團茅罨如畫可惜是逃亡

過奉先

劉因

閩遼承宋統此志亦雄哉置縣名猶在因山勢已摧百年元魏史
千古汝南哀華表鶴應有悲風海上來

齋居雜言

何榮祖

名教無窮樂真知在暮年中庸萬事畢太極一心全世事頻觀易
人情靜看天興來時有句率爾亦飄然

寄暢純父治中

姚燧

欲聞眞息耗無使梓潼來烽火平時報田疇亂後開徒歌王粲賦
不直士元才遙憶牛頭寺思親日幾迴

輿病高崖道中作

姚燧

役役乾坤遠，棲棲道路頻。五年三入蜀，十夢九皈秦。瘡鬼偏凌客，山英定笑人。無勞問前渡，祇覺白頭新。

舟達黃溪

姚燧

草木隨寒暑，殊方榮悴同。葦華兼露白，檉葉未霜紅。日月雙飛鳥，江湖一病翁。晚來沙嶼上，愁坐獨書空。

發舟青神縣

姚燧

青神開百丈，江岸轉荒涼。薜荔綠松起，蒹葭並竹長。深披豺虎徑，毒犯虺蛇鄉。何莫非王事，牽夫可惋傷。

感事

姚燧

致位丞疑地，夔龍伯仲間。星當朝北斗，日已薄西山。取謗因讐惡，貪權失巧閑。此行雖鐵甲，未足比慙顏。

次韻書事

安熙

野性元孤潔，無朋儘自蟠。業荒聞道淺，靜久閱人多。靈鳳寧棲枳，冥鴻本避羅。南遊有高興，何處是滄波。

病中齋居雜詩

安熙

多病交游少，相看動浹辰。賦詩聊遣興，觀化足怡神。問字有知己，過門無俗人。伊誰同此樂，願許卜東鄰。

進詩一首

李孟

十年陪顧問，一旦決安危。自合成功去，應慚見事遲。長城何自壞，孤注莫相疑。辟穀求仙者，高明百世師。

岳陽樓待渡

高思恭

楚水凝千里，湘雲隔萬層。城高秋浦月，星雜夜船燈。旅況天誰管，年光鴈可憑。殷勤澹山色，相送過巴陵。

泊舟湘岸

李材

長沙今在眼，青草舊知名。二月風檣疾，三湘雪浪平。藤深帝子廟，花發定王城。莫艤江南岸，嘯鵑處處聲。

游山寺

李材

行行行復止，行到白雲間。見客意不俗，逢僧心便閑。細泉分別澗，

小逕入他山擬借禪房榻追遊信宿還

送蘇子寧赴嶺北行省郎中

袁桷

貂帽護寒沙冰天閱歲華斷溪曉聽水密雪犬行車雲盡難尋鴈

春深未識花昔人奇絕處八月解乘槎
往歲經游地寒蕪碧熾深雲開山後陣水咽隴頭吟雪白氍毹重

名酒

虞集

天青羽檄沈重華新雨露悲喜候車音
名酒不可得幽華誰送來秋霜垂鬢髮夕照在樓臺盡日山公醉

何年庾信迴喚人吹玉笛移席坐蒼苔

虞集

題秋山圖
峯迴留深隱天清襲素袍棲身斷人蹟游目送鴻毛樹挂棲厓鷲
藤懸飲子猿龍眠石澗冷虎撼樹根牢木客吟時共山樵奔處遭
浮雲過水盡孤月挾霜高羽使來三島胎仙舞九皋左招玉斧飲
右攬赤松遨空色收寥廓虛聲起繹騷彈琴道古散載酒棹輕舸

遂向圖中見誰能世外逃乘槎幾月至一泛九秋濤

送國王朵而只之遼東

虞集

太祖收中夏元臣有武功建邦開土宇為位冠君公弈世王章在
諸孫相業隆春秋周正月禮樂魯新宮鹿幣金遺耐熊侯算失中
河山仍鐵券寶玉右瑀弓投筆鄒枚秀揚旂萬縮雄寒雲依碣石
凍雨灑遼東戎器囊藏盡賢書奏納同大夫勞替御惇史采民風

朝回即事

虞集

宮樹春陰合霓旌拂曙來天光臨閣道雲氣轉蓬萊晝漏沈沈鼓
晨尊灑灑盃香霏簾底霧樂殷殿前雷祥瑞儀曹奏珍滄尚食催
舞廷分鷺序效獻過龍媒融雪微生草輕風不動埃老人南極至
王母上方回玉色何多喜金華得重陪裁詩賀新雨西閣待門開

石田山居

馬祖常

甲子人愁雨河田麥已丹歲凶捐瘠眾天遠禱祠難賈客還沽酒
王孫自飽餐更憐鬣面黑征戍出桑乾

積雨衣裳溼愁人是麥田泥將深沒馬霧欲墮飛鳶爨火勞薪盡
家居老屋穿牆根雜蛙蚓擬買繫籬船
光山楓製錦潢浦荻飛絲秫熟何論酒魚來不計錢卜鄰多野老
求藥有神仙爲客留羹筍清晨步石田
四月淮天雨清林蔭碧池筍香鄰瓮酒禽響客窗碁田鼓春迎社
鄉巫夜賽祠漸知飄泊久自覺是農師
無麥夫何極吾憂隴畝空豈能驅盜賊得忍鬻兒童茶麥充腸熟
樵蘇救口窮無端縣小吏召役到疲癯
作客何多意淮南卽是家自牽蘿屋小不正葛巾斜書嬾眠尤熟
詩來酒更賒春天雲嫵媚相對坐鷗沙
竟日無賓主山房一禿翁竹光浮畫碧花藥颺春紅田父分雞粦
鄰僧與鶴籠時行親杖屨未覺坐書空
淮南窮僻地先世有林廬花曙鳴山鳥芹春躍岸魚鼓琴仙度曲
種杏客傳書朋舊如相覓休嗔禮法疎

郎中蘇公哀挽

馬祖常

墓門翁仲泣秋草九原深身世書盈屋鄉園樹滿林故人多執紼
令子蚤冠簪曾作陽關曲今成薤露吟

癸酉除夕

劉汶

此夕何多感明朝過六旬乾坤又元統人物少咸淳酒厭山杯滌
梅傷水國春燈前曾戲綵馬首一沾巾

早春述懷

劉汶

春興年年別窮隨日日增眼明貪夜讀事少忘晨興倦鳥猶遷木
潛魚已陟冰棲遲唯故轍無夢到飛騰

七言律詩

杏花落後分韻得歸字

元好問

懶髓能醫病頰肥鸞膠無那片紅飛殘陽淡淡不肯下流水溶溶
何處歸煮酒青林寒食過明妝高燭賞心違寫生正有徐熙在漢
苑招魂果是非

長安感懷

楊 奐

此心直欲作東周再到長安已白頭往事無憑空擊楫故人何處
獨登樓月搖銀海秦陵夜露滴金莖漢殿秋落日酒醒雙淚眼幾
時清渭向西流

洛陽懷古

楊 果

洛陽雲樹鬱崔嵬落日行人首重回山勢忽從平野斷河聲偏到
故宮哀五噫擬逐梁鴻去六印休驚季子來惆悵青槐舊時路年
年無數野棠開

南京遇山樓

劉 祁

倚天突兀聳高樓樓上人家白玉鉤落日笙歌迷汴水春風燈火
似揚州仙人已去名空在豪客同來醉未休獨倚朱闌望明月鸞
旌依約認重游

戊辰冬赴試西京

王 革

慣擊蒼龍曉漏鐘受恩曾入大明宮香浮扇影迎初日人逐鞭聲

靜曉風轉首俄驚成異世此身雖在已衰翁喚回五十年前夢再
著麻衣待至公

題劉京叔歸潛堂

薛 玄

獨構茅堂養道真滿前俗事罷紛紜磻溪夜釣波心月汾曲春耕
隴上雲長笑能罷勞應夢肯教猿鶴怨移文近來傳得安心法萬
壑松風枕上聞

秋思

杜 瑛

壯心忽忽劇懸旌秋氣能令客子驚白鴈不聞雲外過清霜先向
鬢邊生銅駝巷陌周東土金鳳樓臺鄴北城千古繁華俱一夢空
餘草木戰風聲

和家弟誠之詩韻

段克己

欲歸誰不遣君歸卻恨歸來事事違烽火未休家信少山川良是
故人稀黃金入手還能散白雪盈頭不肯飛試問春愁都幾許長
江滾滾日暉暉

雨後漫成

段成己

羈思紛紛不易裁
晚涼扶病獨登台
翩翩幽鳥避人去
殷殷輕雷送雨來
已拚此身閑裏老
且將笑口酒邊開
安車待聘非吾事
休作孤山隱逸猜

七月望日思親

許衡

思卻千思與萬思
音容無復見當時
草窗夜靜燈前語
蔬圃春深膝下嬉
將為百年供色養
豈期一日變生離
太山為礪終磨盡
此恨絲絲未易衰

燕城書事

魏瓘

山勢回環西北高
強燕自古出英豪
地連雲朔偏宜馬
人襲衣冠盡帶刀
塵暗玉樓無鳳宿
雲埋金水似龍韜
可憐一片繁華地
空見春風長綠蒿

送魯齋先生南歸

張易

袞衣諸公入省闈
先生承詔獨南歸
道逢時否貧何病
老得身閑

古亦稀行色一杯燕
市酒春風三月故山薇
到家已及蠶生日
布穀催耕隴麥肥

聞家大參南歸

林景熙

濱死孤臣雪滿顛
冰瓊齧盡偶生全
衣冠萬里風塵老
名節千年日月懸
清唳秋荒遼海鶴
古魂春冷蜀山鶡
歸來親舊驚相問
禾黍離離夕照邊

挽文丞相

徐世隆

大元不殺文丞相
君義臣忠兩得之
義似漢皇封齒日
忠於蜀將斫頭時
乾坤日月華夷見
海嶺風霜草木知
只恐史官編不盡
老夫和淚寫新詩

次范藥莊韻

宋 衛

家近西湖六月涼
蘭舟桂醕菱荷裳
海門潮上波濤壯
天竺風來草木黃
今日悲秋哦楚些
它年著論辯吳亡
君才位置聞人說
宜待詩仙七寶牀

過鄉縣西方古故居

劉因

古金大定間人嘗舉進士不第遂歸獨居一室置琴書其側不妄與人交縣令佐公服候門亦以遜辭謝遣之有田數十畝食其所穫如菽熟惟食菽鄉人好事者欲以米易之不聽曰是天所食者不可易也監察御史按行郡邑按其行上之不報其為人蓋亦近於聖學之所謂狷史家之所謂獨行者歟先父每舉以律鄉人之貪鄙者故鄉人至今能道之古死無後其邱壙已為樵牧區今過其居亦莽為荆棘中矣不覺感歎夫發潛德而紀先賢實後生之責也願力未能為姑題詩以紀先父之訓云

晚眺

劉因

巖姿濃淡似吾詩雲點青山學鬢絲老樹遺臺秋最早斜陽流水

為偏遲無人能解此時意如我曾來前古誰本為登臨解陶寫豈知搖落更堪悲

易臺

劉因

望中孤鳥入消沈雲帶離愁結暮陰萬國河山有燕趙百年風氣尚遼金物華暗與秋光老杯酒不隨人意深無限霜松動巖壑天教搖落助清吟

望易京

劉因

亂山西下鬱岩堯還我燕南避世謠天作高秋何索寞雲生故壘自飄蕭誰教神器歸羣盜只見金人泣本朝莫怪風雷有餘怒田疇英烈未全消

海南鳥

劉因

越鳥羣飛朔漠濱氣機千古見真純紇干風景今如此故國園林亦暮春精衛有情銜太華杜鵑無血到天津聲聲解墮金銅淚未信吳兒是木人

朝回再次楊司業韻

吳徵

風吹仙樂下瑤臺
闔闔中間翠輦來
雲擁紅光千丈遠
日行黃道九天開
百官星拱環金闕
萬壽聲迴進玉杯
共覩太平新氣象
四方狂獄長春苔

代祀南嶽登祝融峯

趙世延

天風吹我躡雲根
一覽羣山蟻垤紛
瀛海波翻初日上
石壇人語半空聞
炎荒作鎮荆吳遠
元氣流形天地分
何日束書煨芋室
孤峰絕頂看浮雲

駕畋柳林隨侍

陳益稷

仙仗平明擁翠華
景陽鐘發海東霞
千官捧日臨春殿
萬騎屯雲動曉沙
白鶴鞦韆山霧薄
黃龍旗拂柳風斜
太平氣象民同樂
南北梯航共一家

題許仲仁詩卷

程鉅夫

殘雪詞林退食時
小窗開卷鬢如絲
音傳正始誰同調
氣逼元和

稍自持文字不隨前輩盡
風流卻許後人知
霜清日冷梅花瘦
獨對爐熏看欲癡

岳陽樓

梁曾

樓前秋水健帆開
樓上涼風舞袖迴
萬里舟航通鳥道
四時雲雨護龍堆
江山如此不一醉
歲月幾何能再來
欲問老髯求鐵笛
月中吹上紫荆臺

題麻姑壇

郝天挺

路入雲關仙境佳
瓊田瑤草帶煙霞
貯經洞古無遺檢
養藥爐存失舊砂
青鳥不傳金母信
紫鸞應返玉皇家
巖扉不掩春長在
開盡碧桃千樹花

都門春日

李材

綺陌香塵逐玉珂
彤樓花暗弄雲和
光風已轉瀛洲草
細雨微生太液波
月榭管絃鳴曙早
水亭簾幕受寒多
少年易感傷春思
喚取青娥對酒歌

禁城秋夕

李材

絳宮星淡海無波九陌猶聞動玉珂
闔闔微雲藏夕漏建章明月掛秋河
此身天地流萍遠故國關山落木多
欲聽鈞天塵夢隔紫簫吹盡桂婆娑

元日賀裴都事朝回

李材

海上瓊樓接五城人間歌吹近蓬瀛
雲移豹尾旌旗動日射螭頭劔佩明
拜舞盡隨仙仗入退歸遙認玉珂鳴
欣欣百草含春意得傍東君暖處生

壽杜侍御

李材

黃閣老臣踵夔咎法冠蒼佩陪霓旄
八龍委蛇捲春雨一鶚搏控明秋毫
華勳玉册耀天府雄章銀筆翻雲濤
舉觴獻壽碧桃晚南極正與文星高

和王御史春詩韻

李材

鶯啼燕語花漸稀天明海碧涵晴暉
洛陽臺榭春色在山陰衣冠

昔人非夢雲何處讌瑤席舞雪誰家裁
紵衣獨有倚闌無限思迢迢煙草暮鴻飛

送省郎楊耀卿使雲南

李材

飄飄使節出金閨郭隗臺前暫解攜
天入五溪無鴈到地經三峽有猿啼
子雲舊里風煙在太尉家聲日月齊
後夜客槎何處望秋河迢遞碧雲低

席上賦老松怪柏圖

李材

仙人解衣盤薄羸造化慘澹秋毫端
枝柯千仞入層漢笙籟萬壑鳴驚湍
堂中日月不可老壁上雷雨何時乾
我來醉臥北窗下夢跨黃鵠天風寒

次韻答友見贈

安熙

高山流水趣何深萬古千秋一素琴
白石清泉成雅志光風霽月負初心
伏龍應羨雲生谷獨鶴不驚鴉滿林
無用埜夫宜揣分商家元自有甘霖

留別都城諸公

李京

蒼龍雙闕鬱嵒堯曾侍鵷鸞趁早朝往事已隨塵滾滾虛名贏得
鬢蕭蕭長林豐草空相憶瘴雨蠻煙苦見招借問都門門外柳爲
誰留著最長條

元文類卷六終

